

# CHEERS



*Brinda pa* **BRINDIS**  
*su prome*  
*Aniversario*

CIRCULACION 25.000 EJEMPLAR

ANJA 2 - NO. 11

OCTOBER 1975

1974

23 di OCTOBER

1975



- 5 NOV. 1975

# BRINDIS

**R**

TRAHÁ CU

**I**

E MIHOR

**C**

CONTROL

**H**

DI CALIDAD

**M**



**Richmond**

**FILTER**

**LONG SIZE**

**O**

PA SATISFACÉ E GUSTO

**N**

MAS EXIGENTE

**D**

**RICHMOND**



2191 TOM 2

## STAFF

**Redactor-Director**  
Jossy M. Mansur

**Consejera Ejecutiva y  
Administradora**  
Nuhad Mansur

**Composición**  
E. Pietersz

**Dibujo**  
Helen Oduber  
William de la Vega


**Medicina**  
Dr. Oswaldo Anaya

**Deporte**  
Victor Winklaar

**Colaboracion**  
Julio Maduro  
Eddy Tromp  
Ito Tromp  
Robert McClain  
J.C. Provence  
Digna Lacle  
Cecilia M. Everts

**Imprenta**  
Paulus Drukkerij

**Direccion**  
Sweelinckstraat 16  
Telefon 1454  
P.O. Box 577 Aruba



Ta cu orgullo nos ta celebrá awe un aña di e existencia di nos revista, órgano divulgativo cu a wordu ideá pa hiba te na e seno di tur famia antillano, un forma di lectura sano y educativo, pa propaga cultura den tur su manifestacionnan.

Na tur nos patrocinantenan, nos colaboradornan y nos publico lector ta bai nos profundo gratitud pa e gran apoyo cu nos a ricibi for di nan y e ánimo cu semper nan a duna nos pa sigui cu e revista cu tur persona di bon lectura ta spera cu verdadero anticipación. Den nomber di henter nos staff masha danki.

Den nos promé editorial nos a scirbi cu nos no tabata sali riba mercado cu e pretensión di ta miho revista cu ta circulá na Antillas aunque nos a specificá cu tabata nos meta di convirtié den esun mihó y esun más lesá riba nos islanan. Esey nos a logra holgadamente, y nos tin e pleno confianza di por sigui mantené riba e nivel ey, pa conserva su posición di number un den popularidad, contenido y circulación.

Lectura sano ta hopi scaars awe en dia y no ta facil haya den e tantísimo revistanan stranjero cu tin riba nos mercado, uno cu no ta gira exclusivamente riba sexo, violencia y corrupción. Nos for di un principio a apartá nos mes di e tipo di escritura sensacionalista aki, y nos a conformá nos revista cu e firme propósito di conservé riba un nivel di decencia cu ta cónsono cu e sentimentonan di e pueblonan cu ta forma Antillas Hulandés.

Nos seccionnan riba poesia, teatro, ensayonan, cuento,

Continuacion riba pagina 5

Did you ever consider owning your own home or a real estate lot?

Your future will be insured with the expert counsel from:



Tel.: 3000  
P.O. Box 368  
ORANJESTAD – ARUBA  
NETH. ANTILLES



**ESPUMA VAGINAL  
ANTICONCEPTIVA**

E producto cu más di un millon di damas a usa como nan única anticonceptiva debí na e siguiente tres cualidades,

- \* e ta altamente EFECTIVO
- \* CORPORAL y
- \* AGRADABEL PA USO.

ta obtenibel na tur BOTICA



**SEGUROSCA**

John Mansur

Pa bo seguronan di auto, candela, accidente, vida, hospital y negoshi, llama bo broker.

**R**

Paardenbaaistraat No. 8  
O'stad - Aruba  
Tel.: 3 0 9 4

## Antilliaanse Handel Mij. n.v.

Bo miho adres pa:

Tur material di construc-  
cion

Verf SHERWIN WILLIAMS

Verf ARVEFA

Sanitarios VENCERAMICA

Cement CORO

i tambe awor:

Refrigerador HOTPOINT

Lavadora HOTPOINT

Airconditioner HOTPOINT

Stoof COLUMBUS

Airconditioner AIRTEMP

Pa miho producto, miho prijs, miho servicio.



**C**

ANTILLIAANSE  
HANDEL MIJ N.V.  
Fergusonstraat 7,  
Dakota, Tel. 4040

Awor na SAN NICOLAS tambe  
Helfrichstraat 29 - Tel. 5018



**E. DE VEER TRANSPORT COMPANY INC.**

**B**

**EQUIPMENT RENTAL AND CONTRACT HAULING**

Aruba - Tel. 1386 - 3493

# Alexander Solzhenitsyn

## dilanti di television

### Venezolano



Alexander Solzhenitsyn

Den un programa televisá di e extraordinaria periosita, Sofia Imbert, e Premio Nobel soviético a analiza' cu e intelectualnan francés di izquierda, Pierre Daiz, un ex-director di e revista comunista "Lettres Françaises", y Jean Daniel, di "Nouvel Observateur", su posición dilanti di e regimen sociético. Su palabranan ta impresionante, y su criterio ta indudable, pasobra el a biba den Rusia comunista y el a sufri den carni propio e horrornan di su sistema di esclavitud.

Danki na e esfuerzonan di Carlos Rangel y Sofia, e programa excepcional por a wordu mirá for di Aruba y analisá pa esnan cu tabata conciente di djé. Casi tur hende conocé e obra mayor di Solzhenitsyn: "Archipiélago di Gulag", den cual e ta describí e vida di e prisionerosnan di e campanan di concentración na Siberia. Pero promé cu e buki mes a sali, ya el a scirbi otro caba, di nomber: "Un Dia den e Vida di Iván Denovich", cu a revelá hopi secreto, pero cu no ta atacá e sistema, sino e campanan di concentración cu ta priva di e elementonan más fundamental di derechonan humano.

— Ami — el a bisa, — ta un escritor cu su destino ta ligá na su patria. Si nos tabata den siglo pasá, lo mi no tabata aki discutiendo, y televisión no lo

existí y cada ken lo ta dedicá na su propio problemanan.

Splicando cu nunca e lo atrevé di papia riba Occidente, pasobra e no conocé mes bon cu e conocé Russia, el a recalca' cu e lo utilizá loque ta quedé di vida pa scirbi riba Russia, riba e verdad di Russia, esun cu nos no ta mira y cu ta esun verdadero, esun real. Prosiguiendo cu e entrevista cu e periodistanan di izquierda, el a bisa:

— Mi ta confesá cu Occidente

ta más visto cu Russia na Russia, más cu Russia mes ta visto na Russia, pasobra mundo comunista no ta transparente. Alla nan ta haci tur loque ta posible pa boso queda ciego. Nos periodistanan nunca lo bisa nada verdad, nos parlamentarionan no lo habri nan boca; nan ta lanta nan man pa bisa si, pero ningun hende ta atrevé di papia. Ami ta un di e poco nan, y mira lo que a pasa: nan a expulsami, pa mi suerte, pasobra nan por a inyectami cu un droga y bisa cu mi ta loco. Aki cos ta diferente: e parlamen-

#### EDITORIAL

Continuacion di pagina 3

mitologia, y tanto tanto más, a tuma preponderancia riba sexo y violencia, pa e simple motivo cu nos ta kere más den e elevacion di e espíritu humano, cu den su degradación. Enfocando su defectonan no ta produci necesariamente reaccionnan di repudio, sino cu den su propagación e tin e tendencia tambe di generalizá, contagiá, y hasta glorificá aspectonan negativo di humanidad. Nos a apartá nos mes for di nan pa motivo di nan tendencianan dañino y rebajante. Ta pesey mes nos revista a capta e simpatia di tur persona di bon gusto, cu ta busca den nan lecturanan temanan di un género instructivo, cu ta enaltecé y conducí riba e senderonan di buena conducta cu Dios a traza pa henter humanidad.

taronan ta criticá gobierno, e escritornan ta scirbi cu absoluta libertad y boso ta pone boso mes bow un luz mes clá cu esun cu ta alumbrá nos awor. Pero mundo comunista ta den un scuridad cu no ta permiti mira nada.”

Esaki tabata e palabranan cu a confirmá e espantoso verdad di comunismo: e falta absoluto di LIBERTAD, di tur sorto y tur forma di libertad. No, danki! Queda cu boso comunismo leew for di nos islanan. Laga nos por lo menos PAPIA, PENSA, HARI Y BIBA CU ENTERA LIBERTAD

Un pastor a bai den un pueblo y e tabata predicá pa di promé biaha riba e pasión di Jesús.

Un di e oyentenan a queda admirá di tende tanto sufrimiento y el a puntré:

--Pader, lo por bisami si e Señor aki cu bo ta conta nos su cuenta tabata casá of soltero?

--Ta di comprendé cu E tabata soltero — e pastor a contesté, yen di admiración.

--Antó, Pader, dispensami, pasobra tur loque e Señor aki por a pasa, no ta llega ni na pía di loque e hombernan casá ta sufri.



Distribuidor



**Hubert Salas & Co.,**

ARUBA  
Tel. 2652

E

CURACAO  
Tel. 11922

**LESA Amigoe**



EN CURACAO.....

**La Parillada STEAKHOUSE**

Cas Coraweg 78

Telefono 78596 y 78693

Especialidades: CARNE, MARISCOS y POLLO

Abierto diariamente de 12 00-3 00 y 6 00-12 00

Todas las noches excepto los martes

WIMPIE y su guitarra!

# E gran Enigma di Civilizacionnan Antiguo

Josy M. Mansur

Prome  
parti



Homber a drenta plenamente den e epoca di e gran conquistanan espacial y su navenan atómico ta surca e esferanan inmenso di universo. Na año 1969 den e viaje más audaz cu ser humano a llega di emprendé den henter su historia, e norteamericanonan a viola e immaculada superficie lunar. E

revelacionnan científico a bin ta sigui otro di un manera precipitá, y nan ta asina extraordinario, cu ya e habitante di siglo bintiun no tin otro alternativa cu esun di suponé, después di a mira tanto descubrimiento den física, química y matemática, cu e exploración futuro di e regionnan mas remoto di cosmos a queda reduci na e solo formula di holoshi.

Esaki en cuanto e evolución di e civilización, proceso cu a haya su inicio den e antiguo Mesopotamia, bordeá pa e riewnan Tigris y Eufrates, y a desembocá den e pujante revolución industrial di presente. Ciencia ta permiti nos predeci cu den futuro e misterionan di universo lo wordu resolvé, y cu humanidad ta marcha cu paso sigur den dirección di e conquista

di un civilización superior na tur esnan cu te awor el a conocé. Danki na e formación científico asina eleva cu e tin, homber ta enrumbá directamente pa su superación, y e ta construyendo riba e base di su descubrimientonan, un civilización vital y perfeccioná. E tin su miranan enfoca riba futuro, y e ta sinti cu e tin un gran respaldo den e caudal di su alta tecnica y su instrumentonan di precisión, pero di su origennan mes ta poco loque homber por afirmá cu tur certeza. Pruebanan rigurosamente científico riba su comienzonan ta escaso, y por el contrario ta existi un abundancia di especulación y di hipotesis.

E importancia di futuro ta evidente, pero nos no por nenga pasado e mesun importancia ey. Si



homer ta busca afanosamente un futuro mihó den e llanuranan espacial inmenso, y den e tenebroso fondonan oceanico, e ta empeñá tambe den rastrea e huellanan di su pasado riba terra y den lamán, pa trata di averiguá ta di unda el a bin con el a forma. Si e revelacionnan futuro a queda sujeto na e marcha di holoshi, esnan di pasado ta depende di mucho mas. Si homber ta clá pa conocé e secretonan di universo den futuro, di su pasado e conocé masha poco, pasobra pasado a concede solamente un mostrario di pruebanan fragmentario den forma di monumento, ruina y dibujonan descubri den partinan diverso di mundo. Nan tey, den e sitionan mas inverosímil, dilanti di e wowonan incrédulo di e arqueólogonan, manera un "fait accompli", pero sin abundá den revelación, y sin e menor oferta di e clavenan cu por permiti e científiconan descifrá e por menornan di e civilizacionnan cu a laga nan.

Loque mas ta inquietá e estudioso di e materia aki no ta existencia mes di e remanentenan aki di civilizacionnan milenario cu a desaparece, sino e enigma cu ta rondoná nan. Tabata tin antiguamente, y hopi promé cu e civilizacionnan cu a erigi e ciudadnan aki awe converti den ruina, y e monumentonan inexplicable pa nan tamaño nan forma y nan ubicación, otro civilizacionnan ainda anterior na nan y di cual nos no conocé nada?

Tabata tin den e mei anochi di e tempo preincaico, pueblonan, razanan y civilizacionnan henter cu a desaparecé sin laga e huellanan más mínimo? E Incanan tabata ignorá e procedencia di ciudadnan straña, di murallanan increíble y prehistorico, di lineanan traza riba un altiplanicie caminda e atmosfera mes ta obstaculizá e

desenvolvimiento normal di vida humano, y asina nan a bisa e spañonan cu e recalá den nan comarcanan pa promé biaha. E indiannan antiguo di Norteamérica no por splica e construcción di e monticulonan straña di nan region, y e identidad di e autornan ta drumi den e mayor ignorancia.

Ki significación e pinturanan antiquísimo hayá den e cuevanan di Europa Occidental y di Africa del Norte tin? Ken y pa ki propósito nan a construí e gigantesco statuanan di piedra cu ta tirá riba e costa di isla di Pascuas?

Si e necesidad di un riguroso apoyo científico nos por afirmá cu e técnicanan ey no por a wordu adquirí den poco tempo, ni den poco generación, y cu sea quien sea e legítimo autornan, nan mester a existí den e mes parajenan ey durante hopi mil siglo pa nan por a logra e dominio científico indispensable pa por a ejecutá e obranan ey. Di unda nan a bin, y ta kendenan tabata e percursonan di e Inca, e Maya y e Aztecanan? Si no ta existí e pruebanan concluyente cu por sali ileso di un examen científico exhaustivo, y cu por indicá e razón di e existencia di e civilizacionnan antiguo cu a alcanzá nivelnan di cultura y perfección técnico igual y superior na esnan di awe, con nos por splica e presencia riba nos planeta di monumentonan y ruinan cu ta sugerí e existencia di tal civilizacionnan?

Si nos acepta e teoría cu civilizacionnan ta ciclico y recurrente, e no ta permiti nos splica e nivelnan asina avanzá cu e pueblonan antiguo e alcanzá promé cu nan a desaparécé for di e faz di mundo? Nan a wordu aniquilá pa e elementonan, o nan a bai sin cu nan a perecé

físicamente? Ta existí e creencia cu gran calamidadnan y catástrofenan di ordu mayor a azotá mundo den diverso época di su existencia, y tanto e estratonan geológico como e zonanan antártico ta papia di e destrucción simultáneo di vasto regionnan di mundo pa candela, pa awa y pa eis. Pero esaki no ta un indicio infalible, ni tampoco e ta un prueba concreto cu e civilizacionnan ey a wordu destruí totalmente pa e fenomenonan natural ya cu no a wordu hayá e restonan esquelético di e sernan cu a forma e civilizacionnan ey.

Tur loque nos sá ta cu nan no tabata existí mes tempo cu e colonizadornan spañol a alcanza e fronteranan di e terranan habitá pa e Inca y e Aztecanan. Y ora cu e hidalgonan a llega y nan a topa cu e ruinan, e indígenanan no por a splicanan ta ken a construí nan ni tampoco for di cuanto tempo pasá. Nan tabata conocé nan, y nan antepasadonan tambe tabata conocé nan durante hopi siglo, pero nunca nan por a haya sá ta ken a traha nan ni pakiko. Tur loque nan por a informá ta cu pueblonan masha antiguo, di un antigüedad di hopi mil siglo, a construi nan, pero nan no tabata conservá ni siquiera e memoria di nan. Ya cu nan no tabata sá nan origen, tampoco nan por a ilumina e europeonan cu a bin pa arrebatá nan oro for di nan y despojá nan for di nan terra.

Kendenan tabata e autornan di e monumentonan asina colosal y asina inexplicable?

E ta continuá den proximo edicion.






**Hertz #1**  
It's the little things  
that make us big.



**Hertz rents economy cars, sedans,  
station wagons, limousines  
and a limited number of monsters.**



**For all your reservations**

**Telephone 35799 & 81182**

# UN BON LES



Un señorita bon educá tabata viaja den un ferrocarril di segunda clase den compañía di diferente señornan, pasobra no tabata tin mas lugar den e salón di señornan. Den e salón dje hombernan tabata tin uno cu no tabata tin verguenza di entretene e otronan cu conbersacionnan cu tabata atacá moral, sin worry cu su mes ni cu su compañeronan di viaje, ni tampoco cu e presencia di un mujer. E señorita tabata cambia coló di verguenza y rabia y el a laga comprendé cu e no tabata haya e conversación di bon gusto. Por fin el a cuminsá hap, sin trata di disimulá su hapmento.

E homber cu tabata ocupá cu e conversación inadecuado a comprendé cu e señorita no tabata di su mes parecer y e kier a burla di djé. El a bisé:

--Oh, señorita, mi a kere cu bo tabata bay gulimi cu un hap asina grandi.

--Dispensami, señor — e señorita a respondé, — mi ta israelita y mi religión ta prohibi mi di come carni di porco! !

Tur e viajeronan a dal un grito di harimento, y e homber cu a haya e les no a habri su boca mas durante e resto di e viaje.



MADURO  
TRAVEL BUREAU

Cu dedicacion y profesionalismo nos ta ofrece Bo nos servicionan basá ariba un experiencia di mas cu 30 anja.

'Un vacacion den nos mundo moderno ta algo importante. Un crucero den Mar Caribe ta birando popular y nos por judabo cu tur detajenan.

Nos tin hopi posibilidades pa biaha.

Por ehemplo nos ta agenta pa:


ALM — AMERICAN — KLM — EASTERN —  
PAN AM — AEROPOSTAL — VIASA — AE-  
ROCONDOR — EURAILPASS — GREY-  
HOUND LINES — CRUCEROS DEN MAR  
CARIBE — CAR RENTALS — FERRY —  
SIGHTSEEING TOURS — HOTEL

Pa informacion y reservacion yama:

S.E.L. MADURO & SONS (ARUBA) Inc.

Oranjestad  
Tel. 3888

San Nicolas  
Tel. 5239



**TIP TOP**  
AGENCIES

GENERAL COMMISSION AGENTS - Tel. 2269 - Emanstraat 30



**WISE POTATO CHIPS**  
&  
**PIXIES**



# PAGINA MEDICO

Dr. Oswaldo Anaya

## EUTANASIA, MIRA FO'I PUNTO DI BISTA DI UN MEDICO

E significado original di un palabra ta sujeto na modificacion of amplificacion di acuerdo cu e necesidad di temponan moderno. No mucho tempu pasá un hende ta wordu considera di ta morto, solamente ora cu e curazon a stop di bati, awe en dia un hende ta wordu considera di ta morto ora cu e cerebro stop di funciona, aunque cu e curazon y e pulmonnan por sigui traha mediante ayudo artificial.

Medicina a progresa asina hopi durante e ultimo añanan, cu den algun parti di mundo, hopi pacienenan cu un cerebro cu ta morto ta wordu manteni "na bida" durante lunanan largu, cu ayudo di respiradornan, awa di bida, antibiotica y cuida devoto di e enfermeranan. Esaki no solo ta representa un esfuerzo economico grandi, pero tambe un pérdida di e "manpower" cual di otro manera por sirbi un

proposito mas util. E bida di un paciente asina por wordu termina door di primi un boton! y cu e accion aki ta keda termina tur miseria moral y economico di su famianan y henter e comunidad.

Mi no ta kere cu e palabra Eutanasia, si e wordu aplica na e casonan aki, mester hasi ningun hende rabia, sin importa con profundamente religioso e por ta. Desde cu mi a cuminza studia medicina, mi a jega di tende



NOVA CONOURS COUPE  
Practicality plus.

1976

S



CHEVETTE HATCHBACK COUPE  
Efficiency proved around the world.



ARUBA TRADING COMPANY

storianan tocante hendenan den ken tur otro hende a perde tur esperanza pa biba, sin embargo a sali cana for di hospital. Mi ta sigur cu esaki lo por a sosode, pero esaki seguramente ta un evento masha excepcional cual mester tin un balor anecdotico mas bien cu un pa argumenta ariba dje. Precisamente pa motibo di nos limitacionnan humano, mas y mas instrumentonan ta wordu inventa hasta na e punto cu nos por controla casi tur cos den e curpa humano, y e certeza di e prediccion medico por wordu aserca casi cien por ciento. Tene kwidow pa no acusa e ciencia medico pa motibo cu un of otro medico por a negligisha su trabao!

Den Merca tin awe en dia un movimiento fuerte pa e establecimiento di un documento notarial, caminda e medico ta wordu especificamente -tahá pa utiliza recursonan extremo pa prolonga bida cu ta inutil. Ta parce anto cu un di e reglanan mas elemental di naturaleza cual ta e instinto pa preservacion di bida, no ta necesariamente absoluto mas, pero cu mas bien ta depende di e deseo di hende pa no ser tortura den e proceso pa prolonga bida inutil. Nos ta mira diariamente den hospital hendenan cu daño cerebral debido na trauma of aderverkalking den kende e funcionamiento di e cerebro ta sina tanto afecta, cu ni siquiera e necesidadnan mas basico pa bida (manera come, bai af, orina etc.) por wordu hasi pa e paciente mes. E paciente mester wordu cria cu cuminda especial, cuchara pa cuchara pa preveni chokamentu, of utilizando un tubo hinka den su stoma, además nan mester wordu baña y e cama drecha varios biaha pa dia pasobra e paciente no ta den estado pa por controla

e funcionamiento di su tripanan y ni di su blaas.

Si un tubo ta poni den e blaas, e paciente mester ricibi antibiotica pa preveni infeccion, anto mes, tardi tempran, infeccion lo aparece; su longnan mester wordu getap por lo menos dos biaha pa dia pa remove slijm cu de lo contrario lo keda den su long y cu lo desaroya un infeccion, produciendo pulmonia. E paciente mester wordu movi di un lugar pa otro cada 2 ora pa preveni heridananan di cama (bedsores). E cuidu di e sorto di paciente nan aki, manera nos por comprende, ta mucho mas dificil cu por ehempel pa un cuidu di un mucha chikito y naturalmente menos satisfactorio, pasobra e paciente no tin ningun clase di

futuro, Nos a mira e famianan mas devoto laga bai y silenciosamente tawata pidi Dios pa tuma e paciente. Nos ta puntra ken ta mas miserabel? e paciente kende ta sufriendo su enfermedad (hopi biaha sin cu e mes sa di dje) of e famianan cu ta sufriendo cu e deseo pa e paciente por muri pa caba.

Un hende a jega di bisa: "Si bida ta un martirio, suicidio ta un deber". Pero den cierto casonan e pover paciente no ta capable pa comete suicidio. Kiko ta e obligacion moral di nos sociedad anto? Kiko ta e verdadero nificacion di e palabra "Eutanasia" of esun di "Compasion Cristian"?



## CENTRAL BAKERY

Tin facilidadnan enorme i hygienico pa duna Pueblo di Aruba un servicio rápido i úniko.

Havenstraat 17

Tel. : 1250 + 1625

Nos kalidad ta esun mas gustá i pidí na ARUBA



## PREFAB - PREFAB - PREFAB

NOS TIN E SOLUSHON PA BO ....

Pa poco placa nos ta entregabo un cas pa bo por usa como e.o. bergruimte, washok, oficina, donkerkamer, bouwkeet, studeerruimte, etc. etc.

Haltura: di 2.11 te 2.48 m.

Tambe pa un kamber den Bo cura e ta adecua. E casnan aki ta di metal fuerte y por worde harmá den 1 dia, E prijsnan ta cuminsa for di f. 825.-

Pasa y mira e modelonan na

## KASTAN AGENCIES N.V.

Abrahamsz 56, (Pomp di gasolin Sta. Rosa bai atras).  
Despues di ora di trabao tambe ta posibel.

TEL. 3 8 1 2 3



# INTERES DI DEN NOBO BRUHERIA

Robert McClain  
Piedra Plat 52  
Aruba, N.A.

Un hamber spiritual ta parti di e caracter di tur hende. Un deseo ardiente di sabi loque e futuro ta encera, con esei lo afecta nan, y además, con nan por probecha loque bida ta ofrece, es ta, riqueza, salud y éxito.

Con hende a haya e hamber spiritual aquí? En mayoría di caso, esnan qu tawata bai iglesia, o snoa, o misa ta esnan qu tin e hamber spiritual aquí. Paquico? Pasobra na iglesia, snoa, o misa nan no a haya contesta na nan preguntanan tocante e futuro. Nan no a haya contesta na e preguntanan di con pa hiba un bida probechoso den e bida actual. P'esei, e sorto di hendenan ei ta bira esnan qu ta busca algo (averiguadonan). Asina qu un hende yega cerca nan, quen ta parce di tin contesta pa nan preguntanan, esnan qu ta buscando contesta ta sigui nan. Pa medio nan mes modonan di adoracion, algún iglesia (nombri incluso di tur) a apoya tal interés den e oculto (mundu di spiritunan).

Poco tempu pasá e repórter di NOBO a referi na un cos qu ta tumando lugar na Curaçao qu ta yamá: Montamento. Awendía tin dos santo na Curaçao, y sin lugar na duda, na

Aruba y Bonaire tambe, qu ta cosecha mayoría dje adoracion di Antianonan. Nan ta: San Gregorio y San Miguel de Archangel.

E repórter a scirbi qu e reunionnan di "montamento" ta tuma lugar, hopi bez, dos o tres bez pa simán. Nan ta prefera e oranan laat di anochi pa reuni. Un medio ta hinca esnan qu ta participa den un rapto (estado hipnótico) durante e reunionnan.

Naturalmente esei ta haci montamento mashá atractivo pa hende. Esei ta berdad a pesar qu mas despues, nan ta haya miedo y ta experimenta cosnan straño den nan casnan. Esun qu ta gaba di ta e bruha oficial di Los Angeles County (U.S.A.), Louisa Huebner, ta bisa qu e revivamentu den e "Religion Bieu" (loque nan sa yamá bruhería) ta pa motibu qu: "Bruhería ta un religion di tuma parti den, es ta, participa. Esaqui nó ta un religion den cua hende por bai sinta cualquier lugar pa scucha un sermon solamente, pero tur ta envolví."

E bruha ta sigui bisa qu hobennan quier ser envolví den bruhería. Nan ta cansá cu e

religionnan organizá y reconocí, y qu nan quier ta envolví - activo. Bruhería ta duna nan e oportunidad ei. E bruha ta sigui bisa qu, pa medio di bruhería, nan ta bolbe na e naturaleza. En bez di e "diosnan di glas y cromu qu hende ta haya den sociedad," nan quier adora e "diosnan natural." Esnan interesá den bruhería ta desea poder, tantu den nian mes, como pa extende nan sabiduría o mente.

Den su artículo, NOBO ta sigui relata e conexion di montamento cu magica negra y bruhería. Pa e mal spiritunan no bini y pega na hende, nan tin qu observa ciertu reglanan. Si no, e spiritunan por trece desaster den e famiya.

P'esei, loque ta separa bruhería for di Satanismo ta casi nada. Ta imposibel pa separa nan como qu nan historianan, siguidornan y ritonan ta mesclá huntu.

Nan ta cita e ex-Sumosacerdote dje Promé Iglesia di Satanás na San Francisco, bisando: "E Era di Satán a cuminsa na 1966. Na e tempu ei nan a proclama qu Dios a muri, e Liga di Libertad Sexual a bira prominente, y e hippie a desaroya como e cultura di sexo liber." Desde e tempu ei,

# Halloween



Halloween kier meen "atar-di of anochi santo" pasobra e ta tuma lugar e anochi promé cu "Dia di Tur Santo". E ta wordu celebrá dia 31 di October.

Halloween ta un dia festivo di magia y superstición. "druidnan" tabata un orden antiguo di pastor, cu durante e era pre-cristiano di Escocia y Irlanda tabata celebrá e atardi Samhain riba October 31, ya cu e añá céltico tabata caba riba e atardi ey.

Pa e druidnan, Samhain tabata un festival di tur morto y tabata representá e final di verano. E tabata un periodo pa cuminsá cu e preparación di cuminda pa e invierno cu tabata pa llega, y nan tabata kere cu e spirito di e mortonan tabata bin bishitá nan famia exactamente promé cu e llegada di invierno.

Adivinación y augurionan tabata tuma lugar durante e Samhain, y esnan concerní taba-

ta adiviná e identidad di nan pareja den un matrimonio cu lo tuma lugar den futuro, y ken lo muri e próximo año, y ken lo tin suerte y buenaventura den vida.

E tabata e tempo tambe masha adecuado pa bruja y cabouteran aterrorizá e población cu tabata culpa e sernan sobrenatural aki pa e destrucción di nan siembran, pa e robo di nan infantenan, y pa e matamento di nan animalnan di finca. Candelanan grandi tabata wordu cendí riba e cima di un cerro riba e atardi di Samhain pa guia e spiritonan di e mortonan te na e casnan di nan famia, y pa tene brujanan leew for di e aldea. Esaki ta e famoso candela di Halloween, cu a persistí, particularmente na Escocia, te siglo 19.

Ora cu cristianismo a spreí riba henter mundo, e no por a erradicá e creencia di e pastornan aki y nan seguidornan. E grupo

anterior a haya un época adecuado den edad media, durante cual bruja y e devoción di Satanás a wordu practicá. E culto aki tabata inclui reuniannan periódico, y e más importante tabata Halloween. Tabata e creencia cu e brujanan tabata bin e reuniannan riba nan basoranan bulador, acompaña pa pushinan preto, cu tabata nan compañeronan constante.

Custumbranan di Halloween a originá y a florecé na Wales, Escocia y Irlanda, y den algun partinan di Inglaterra, hasta después di edad media. E creyentenan tabata cende candelanan grandi riba e cima di ceronan y nan tabata hasi weganan di adivinanza, semper riba October 31. Den algun aldea, e muchanan tabata disfrazá, utilizando bistinan di e sexo opuesto, y usando máscara, y nan tabata bishita bisiñanan pa hunga triki riba nan. E actividadnan aki tabata reflejá

e cultistanan a aumenta y a extende pa otro lugarnan tremendamente. Dr Hal Lindsey den su boeki: "Satan Is Alive and Well on Planet Earth" (Satanás ta Bibu y Bon di Salud Ariba e Planeta Mundu) ta cita e Comandante di Polies, Bob Vernon di Los Angeles, Calif., bisando: "Cualquier hende ta acerca es-

nan qu ta busca algo ofreciendo nan e sintimentu di compañerismo, y qu e grupo quier nan, y asina nan ta sigui nan. Tin otro motibunan, claro, ma un deseo pa ser parti di un grupo y di un puesto den mundu ta hunga un parti importante den e biahe insensato qu hopi hende ta tuma den e sobrenatural".

Nos tin advertencia di Dios den Su Palabra, Bijbel, tocante tal sorto di biahenan den e sobrenatural. "Boso lo no bolbe na esnan qu tin spiritunan familiar (e nigromáticonan), ni na e adivinadornan; no busca nan, pa sea contaminá pa medio di nan. Ami ta Jehová boso Dios." (Lév. 19:31).

# ESAKI TA BO FERRY...!!<sup>N</sup>



## Ferry "Almirante Luis Brion" di **A.B.C.!**

ARUBA, BONAIRE Y CORSOW.....CU SERVICIO PERMANENTE.

Pa bai Venezuela no tin mester di visa; por viaha cu cédula of paspoort.

Ademas semper bo por bai cu bo auto!

e comportación maligno di e  
brujan. E muchanan tabata  
asegurá e bisñanan fortuna pa  
bin, y en cambio nan tabata haya  
hopi cos dushi y cuminda sabro-  
so. Pero trikinan y amenaza  
tabata wordu ejecutá contra e  
bisñanan pichiri. E contribucion-  
nan aki tabata wordu exigí pa e  
muchanan na nomber di Muck  
Olla, un deidad antiguo di e  
Druidnan.

Imigrantenan di Irlanda y  
Gran Bretaña a hiba e costumbran  
nan di Halloween te Norteaméri-  
ca, pero e festival no a bira  
popular aya te na final di siglo  
19. E símbolonan tradicional di  
Halloween, celebrá awe na tur  
ciudad norteamericano, ta: bruja-  
nan, pushi preto, cabez di morto  
trahá for di pampuna, mascara,  
festejo y e gran brindis a cambio  
di prosperidad y fortuna pa  
futuro.

— Socorro! — gritaba  
uno con acento de dolor a las  
doce de la noche como pidiendo  
favor; y al llegar treinta  
serenos corriendo a todo cor-  
rer, les dijo: no hay que  
asustarse es.. que llamo a mi  
mujer!



## BANCO POPULAR ANTILIANO N.V.

Head Office: Nassastraat, Aruba, N.A.

P.O.Box 385 - Tel. 3105 - Cable-address: Bancantil

Agency: SANTA CRUZ 250 - Tel. 8440 U

BRANCHES: Aruba - Bonaire - Curaçao  
Saba - St. Eustatius - St. Maarten

Complete Banking Facilities  
Full Worldwide Connections

Associated with:



**BARCLAYS BANK INTERNATIONAL LTD.**

# SKIL 599 Xtra-tool

**The Multipurpose  
Tool for Every  
Home!**

AVAILABLE AT:

**HOUTLOODS MADURO**  
SCHARLOO TELEFOON 13000





# BRINDIS

Na ocasión di e promer aniversario - di Brindis nos kier tuma e oportunidad di felicitá e editor más otro miembro di e directiva di e revista aki cu durante un aña a sa di informá nos pueblo ariba tur terreno constructivo. Brindis a cumpli un aña dia 23 di e luna aki y di parti di boso amigo y servidor Victor "Toko" Winklaar mi ta deseá e directiva pero e pueblo di Antiyas en particular cu lo nos lo sigi informa bosonan manera debe ser, ya cu Brindis ta e único bon revista na Antiyas y esun cu mas circulación.

## BASEBALL

Marlboro a prolonga su titulo campeonil antiyano derrotando e muchanan di Chicho Jesurun, Felipe II. Despues cu Marlboro a eliminá den playoff e cerveseronan di Schlitz, nan mester a bai defendé Aruba den e campeonato antiliano. Den e promer weganan cu a tuma lugar na Aruba nan a parti e honor cu e team di brandy. Despues Marlboro a viaha pa Corsow unda den nan promer wega aya a sali victorioso. E di dos wega no por a sigi pa motivo di mal estado di terreno ya cu awa a cai fuertísimo, y a obliga e cigarrilleronan viaha e weekend despues. Ora cu e formidabel pitcher Antonio "KE" Keller a derrota e muchanan di Mario Bislip, su diadomingo mainta Marlboro a bini de todo por todo

mescos Felipe II. E wega final aki tabata un wega di nervio unda especialmente na Aruba e radioescuchanan ya den e inning final no por a sinta ariba nan stoel pero mas bien tabata para ta cana bai bini.

Pero e muchanan representando Ruben Mansur, director di Superior Tobacco Co., a sabi di combati te final pa bai cu e victoria mereci. E alegría tabata asina grandi cu autonan a sali ariba caya pitando y den oranan di anochi tabata tin un recepcion grandísimo na nos aeropuerto unda tabata tin un banda y un steelband pa animá e anochi. Hasta algun di e hungadornan no por a contene nan lagrima. Hopi sunchimento, brasamento y tabata reina un carnaval chiquito pa despues e muchanan campeon di Antillas pa dos anja consecutivo a sali pa sigi e fiesta na cunucu di Deportivo Stadion.

Cu e logro aki di Marlboro esaki ta di tres biaha cu Aruba ta trese e titulo di campeon di Antillas Aruba. Na promer ocasion tabata na 1967 ora cu Heineken's a derrotá Bridgestone. Anja pasa Marlboro a derrotá Ford y e anja aki atrobe e mesun Marlboro a derrotá Felipe II. Nos opinión ta cu tin Marlboro pa hopi anja mas y Brindis no kier laga e ocasion aki pasa, y tambe ta uni su mes na e fiesta di pueblo di Aruba

cu e victoria di Marlboro, y ta felicitá tanto sponsor, directiva, hungadornan, fanaticada y e pueblo di Aruba deseando nan tur clase di exito pa futuro.

## FOOTBALL

Ya caba nos ta den e final di e campeonato unda e promer cuater teamnan, esta Dakota, Bubali SCA y RCA, ta luchando pa mira ta kende lo tin cu topa otro den e final. Ya cu directiva a dicidi di traha dos pool di cual Bubali ta enfrentá RCA y Dakota vs SCA.

E anja aki e competencia di AVB a bai mihor cu anja pasá, pero te ainda e teamnan no ta convenciendo e público cu nan ta progresando. Na comienzo di e campeonato, Brindis a pronosticá e cuater finalistanan cual tabata Bubali, Estrella, Dakota y RCA of Atlántico. Bueno pues manera nos a publicá caba e teamnan ta Dakota, Bubali RCA y SCA.

Awor despues di e playoff aki tur hende lo puntra si tin Copa Antillano ya manera nos lectornan por a lesa den corantnan local e delegacion di Aruba a bandoná reunion di NAVU. Y si e campeonato antillano sigi ta cua ta e teamnan cu lo representá Aruba ya cu durante un rueda di prensa cu AVB a tene den curso di simanan cu a pasa un miembro di directiva a participá cu si e campeonato antiliano sigi anto e

teamnan cu lo representá Aruba lo ta Estrella y Dakota ya cu nan tabata e campeon y sub-campeon di anja pasa. Mi opinion cu esaki no mester ta asina ya cu e ora ey constantemente nos lo keda un aña atras Den e ramo di football e directiva actual ta buscando afiliacion di Aruba como miembro di FIFA y ya nan ta hibando un campanja unda varios pais den e region aki lo duna nan apoyo pa e proximo congreso. Casi sigur FIFA lo bai studia e posibilidad y nan lo tuma Aruba como miembro temporario te ora cu e asunto di nos estructura estatal keda cla.

### VOLLEYBALL

Un biaha mas tin e gran apertura di e deporte aki cual den ultimo anjanan ta hanja masha acojida. E biaha aki e apertura tabata na Noord despues di tradicionalmente semper tabata na Savaneta cuna di e deporte di volleyball. Nos ta deseá tur e teamnan, tanto masculino como femenino, tur clase di éxito. Nos ta spera cu e deporte di volleyball ser fomenta serca e muchanan tambe y traha siquiera un competencia chiquito.

### BASKETBALL

Un deporte cu nos tin admiracion pe ya cu e directiva no ta perde di gana. Constantemente tin actividad den e ramo aki. Algun siman pasa nos por a mira algun wega pe e titulo campeonil tanto den e clase junior unda Aquila a sorpresá e muchanan di Chinese Club. Ya cu durante e campeonato e muchanan di Chinese Club a demostra di tin un team fuerte y cu nan lo bai cu e titulo. Den damas e weganan di playoff

Continuacion riba pagina 19



MODERN



SHOP

Pa dushi Pan M

indudablemente!

Arendstraat 5

Tel.: 1042

Aruba



F.A.CROES Inc.

Wilhelminastraat 93

SHAMPOO  
CREME RINSE  
DEODORANTE  
COMMAND COLONIA Etc. Etc.

HAIR SPRAY  
GET SET LOTION  
HAIR CREME

# Amistad entre muchanan



Mediante su weganan y su relacionnan cu otro muchanan, bo jiu ta descubri hopi más cos cu vida ta brindé. Si e junga su so e no ta haya e ocasión di siña mes tanto manera cu ora cu e ta junga cu otro. Tin biaha tambe cu lo ta preferible pa un mucha no siña tur e cosnan cu e ta siña

for di otro muchanan, pero en cambio e adquisición di algun información dañino ta wordu recompensá pa algo cu jamás e lo por a adquiri si e tabata riba su mes, sin compañé, y esey ta e gran valor di amistad.

A través di e weganan cu e ta junga cu su igualnan, un mucha

ta siña adaptá su mes na otronan. Pa medio di e adaptación aki e ta comprendé te unda e por hiba su exigencianan, o, por el contrario, te unda e por hiba su concesionnan ki ora e mester lucha pa algo y ki ora e mester cede ki ora e mester tuma un decisión y ki ora e mester duna na otronan e

## BRINDIS

Continuacion di pagina 18

tabata weganan di nervio pero e fuerte team di Tivoli a sabi di bai cu e titulo for di Valiant. Pero manera nos a menciona caba e directiva no ta drumi y ya e competencia ta den full swing. Nos pabien! Na Corsow e directiva kier activá e deporte di baloncesto cu un tempo tabata asina alto. Nos ta spera cu e teamnan sa di coopera pero tambe algun otro miembro di directiva cu constantemente ta trata di bruha terra. Esaki no ta nada bon pa adelanto di nos deporte.

## TENNIS

Un deporte cu ta pro-

gresando na Aruba especialmente pa motivo cu casi tur anja tin tennis ariba alto nivel. Asina un biaha mas nos por a mira tenistanan di fama mundial den e segundo competencia di Marlboro. Tambe nos tin masha elogio pa e campeona di Corsow sra. Amelia Salas kende tambe a organizá un competencia internacional na Antiyas. Aprecio nos tin pa e sponsornan cu ta fomentando weganan pa nos hubentud.

Y asina tin varios otro ramo di deporte cu ta den full accion y ojala nos por sigi asina. Den e dianan cu a pasa nos por a goza di e World Seriesnan cu por cierto un di e mihornan di ultimo tempo. Tambe un delegación di Antiyas a sali pa Mexico pa

participa den e weganan Panamericano. Algu cu e anja aki Aruba no por a goza di djé ta e tradicional ASU week. E anja aki e directiva, después di tantísimo anja, no a organizé. Esaki ta un verdadera lastima. Asina ta nos lo keda cu nos reina di deporte cu por cierto ta haciendo un gran trabow, srta. Nydia Boye. Den e luna aki nos ta sigi ariba competencia internacional unda dos clubnan di pesca, Aruba Nautical Club y Bucuti Yacht Club, lo organizá den fin di e simannan aki torneo di pesca. Despues di e torneonan aki nan lo sali pa Punto Fijo unda tambe tin competencia. Nos ta desea tur hende tur clase di exito. For ultimo nos ta spera cu den e proximo anja di edicionnan di Brindis nos lo sigi informa nos fanaticada riba deporte.



# test bo memoria

## DEPORTES

1. Cua país a gana e campeonato XXIV sudamericano di Basketball, celebrá na Montevideo na 1971?
2. Cuá ta e berdadero number di Mohamed Ali?
3. Cuanto campeonato olímpico di football Gran Bretaña a gana, dos of tres?
4. Na cuá categoria un boxdó cu ta pisa 55.75 kilogram ta pertenecé, Pluma o Liviano?
5. Cuá Belga a gana e vuelta ciclista di Francia na 1970?

## BIBLIA

1. Kiko tabata duna Sansón su forza?
2. Ken tabata e tata di Salomón?
3. Ta cuá signo Judas a señala Jesus ora cu el a bai entregué?
4. Cuanto plaga a cai riba Egipto promé cu e terquedad di e Faraón a doblegá?
5. Kiko "Pedro" ta significá den Hebreo?

## GENERAL

1. Unda e palacio di Westminster ta situá?

2. Cuá ta e animal más halto?
3. Cuá ta e planeta más cercano na terra?
4. Ken a scirbi e opera Madame Butterfly?
5. Cuá ta e verdadero number di Cantinflas?

## MATEMATICA

1. Den un caha tin cierto cantidad i kiniki, algun geel y otro berde. Na total tin 125. Pero tin tambe kiniki preto, cu

junto cu e berdenan ta suma 175. Y si bo conta e pretonan cu e geelnan, bo ta haya 150. Ta cuanto kiniki tin di cada colo: geel, preto y berde?

2. Cuá number bo por lesa mes bon si e ta boca riba o boca abow?
3. Si bo aumentá un cierto number seis biaha, e number cu ta resultá ta queda mes leew for di 100 cu e ta queda for di 20. Cuá e number ta?

4. Cuanto dia falta pa LXXXI llega C?

## CINE Y ACTOR

- |                      |   |                        |
|----------------------|---|------------------------|
| 1. Kim Novak         | — | a. Cabaret             |
| 2. Marlon Brando     | — | b. Picnic              |
| 3. Lizza Minelli     | — | c. Tomorrow is Forever |
| 4. Steve McQueen     | — | d. The Rainmaker       |
| 5. Mia Farrow        | — | e. Papillon            |
| 6. Claudette Colbert | — | f. Butterfield 8       |
| 7. Marilyn Monroe    | — | g. The Godfather       |
| 8. Humphrey Bogart   | — | h. The Great Gatsby    |
| 9. Burt Lancaster    | — | i. Niagara             |
| 10. Elizabeth Taylor | — | j. Casablanca          |

responsabilidad di dicidí pe.

## MUCHANAN DI SEIS PA DIEZ AÑA

Muchanan di seis pa diez aña ta más interesá den accion cu den apasividad. Pesey mes e promé cos cu nan ta busca ta un amigo cu ta gusta haci e mes cosnan, semper cu nan ta cosnan permití, por supuesto. Otro requisito principal di un bon amigo ta su amabilidad y simpatía. Incluso si e mamanan mester escoge nan lo preferá di eligi pa nan jiunan e amigonan cu tin caracteristicanan amable y simpatico. Ta e sentimentónan y e bon costumbranan ta loque un mama meste vigilá den e compañé di weganan di su jiunan.

## CONSTANCIA DEN AMISTAD

Pa un mucha sinti di verdad e valor di un amistad duradero, mester warda te ora cu e llega su adolescencia. Ta blo e ora ey e sentido di amistad ta capta su atención y su comprensión, y e ta averiguá e valor cu un bon amigo ta ocupa den su vida.

## LOQUE MESTER WORDU VIGILA

Mayornan y maestronan mester, sin laga e muchanan haya sá, vigilá nan cu atención. Tur mester ta dispuesto di avanzá semper un paso ora cu mester y túma medidanan correctivo pero solamente ora cu e ta realmente necesario.

Nos no mester vigilá e compañeronan di nos jiunan so, sino nos jiunan tambe, y principalmente pa mira ta con nan ta adaptá na otro muchanan, y con nan relación di wega ta cu nan compañeronan. Ta existi tin biaha cierto combinacionnan di amistad cu ta obedecé causanan oculto, y cu ta mas o menos peligroso pa e salud moral di muchanan. Un bon vigilancia por evitá esaki sin causa daño ni na e jiu ni na su compañeronan.

## YUDA BO JIUNAN HACI AMISTAD

Si bo jiu ta tímido pa haci

amistad, tin varios manera cu bo por yude. Pa cuminsa, mayornan mester interesa nan mes pa e amistadnan di nan jiunan. Trata e compañeronan di bo jiunan mescos cu bo ta trata bo propio jiu, elogia nan ora cu mester y regaña nan tambe ora cu ta necesario. E mayornan mester asumí e responsabilidad pa tur mucha cu ta bow nan encargo na dado momento. Tene bo cas semper habrí pa e amigonan di bo jiu. Muchanan ta porta nan mes mihó ora cu nan sinti cu nan ta welcome, y ora cu nan ta sinti

cu e mayornan tin confianza den nan y ta laganan junga cu cierto libertad di acción. Algun cos dushi, refresco, sandwich y un sonrisa amable mester forma parti di bo hospitalidad. Si e presupuesto familiar no ta permití golosina anto e sonrisa só ta basta, pasobra e no tin preis pa e muchanan.

Stima e amigonan di bo jiunan, no ta importá e posición social di nan mayornan, y atendé nan semper pa nan cualidadnan moral y nan educación y no pa e grado di nan riqueza.

# FREDERIK CAR CARE CENTER



## AWOR TUR PROBLEMA CU PIEZA DI BRAKE Y CLUTCH A CABA DEFINITI- VAMENTE!

Nos ta garantizabo un job bon haci y na prijsnan competidor cu aparatonan ultramoderno. (Unico den Antiyas! ).



Por ehemplo si bo linenan di brake of di clutch a gasta, trece nan libramente na **FREDERIK CAR CARE CENTER** y nos lo percura pa bo hanyanan back den condishon nobo y garantizá.

Yama:

# 37090

na Salinja!

Además nos ta

- \* line-up bo auto
- \* balancea wielnan di bo auto
- \* laba motor
- \* flush cooling system
- \* carga y test bateria

Tambe pa Heavy Equipment



# UN MUSEO NOBO

Ta solamente un americano di Hollywood por a haya e idea di habri e "MUSEO CI COCA COLA", e verdadero refresco di nos siglo. E caballero aki, Peter Sidlow, a dedicá practicamente henter su existencia na tur loque ta relacioná cu e popularísimo bebida refrescante, advirtiendo den su promocion cu COCA COLA a sigui paso a paso e evolucionnan di moda y di custumbra. Hopi mas consistente cu un moda, COCA COLA di awe ya ta un custumbra, un habito y pa añanan largo el a brinda tur su amigonan un verdadero modo di pensa y di saborea. COCA COLA mescos cu blue jeans, ta un símbolo di nos tempo cada dia, den mas di 133 pais di mundo, mas di 165 millon di persona ta habri un boter pa contentá nan paladar. Ya e ta data di casi 100 aña caba. Den nos tempo, nan a atribuí na djé masha hopi virtud: cu el a wordu hibá te riba Luna, cu el a wordu usa como un analgésico y hasta como un afrodisiaco. Pa e californiano aki, COCA COLA ta indestructible.

E bebida a surgi na aña 1886, ora cu e farmaceuta, John S. Pamberton di Atlanta, a inventá un compuesto cu a queda inmunizá den tempo, y el a duné di conocé bow e lema DELICIOSO y REFRESCANTE. For di aña 1894 caba, el a cuminsa difundí cu verdadera fervor, pero den su inicio cu un mercado limitá, y sin ser embotellá. E tabata wordu vendí den piezanan di porcelana decorá. E boter cu nos conocé awe no ta e original, pasobra ta te na aña 1915 cu Alexander Samuelson, cu a inspira su mes den un silueta femenino, a crea e boter di glas cu nunca mas lo cambia. COCA COLA ta awe e gusto di e masanan, sin diferencia di latitud, cultura o tradición, y e lo sobreviví, pasobra e californiano di e MUSEO a cerré den un boter cu el a pone den un cámara subterráneo blindá a prueba di radiacionnan atómico pa e perdurá como e símbolo eterno di nos epoca.

Durante e vida di COCA COLA te awor, reynan a cai, guerranan a surgi dinastianan a desaparecé, fortuna y pánico a alterná, y homber a llega te cana riba luna. A traves di tur e acontecimientonan aki, COCA COLA, e bebida refrescante económico y uniforme, cu ta convirtié den e propiedad di tur hende, a sigui cu su modesto papel di satisface un y tur. Humanidad no lo desaparecé si COCA COLA no tey, pero humanidad ta mucho mihó pará si e tey. Pasobra e denominador comun y universal di tur persona ta e proceso di alterná descanso cu actividad. E rol di COCA COLA semper tabata ta y lo ta esun di haci e periodonan di descanso más placentero, pa asegurá cu tur pausa ta bira "E PAUSA CU TA REFRESCA!".



"Must be civilized—they have it too!"



"We've received a signal from outer space! It says, 'Drink Coca-Cola!'"

# papiando

**RIBA—TUR—COS**

ARUBA BANK e promé institución bancario na Aruba riba decisión di su accionistanan a dicidi di entrega na un total di 21 organizacion benéfico e respetable suma di Fls. 50.000.— loque ta constituí sin ningun duda un gesto extraordinario pa cu e comunidad di cual ARUBA BANK ta un parti sobresaliente. Na e ocasión di e entrega tabata presente Sra. Vda. Frederika v/d Biest Eman, representando e mayoría di e accionistanan, y di parti di directiva di e banco mencioná tabata presente e directornan Sr. Fedy Eman y Sr. Boy Eman. E 21 organizacionnan benéfico cu a sali favoreci cu tan magno gesto ta: Koningin Wilhelmina Fonds (pa combati cancer), Alida Lampe Fonds, Casa Cuna, Imelda Hof, Stichting Blindenzorg, Stichting van 't Kind voor 't Kind, Asistencia Social Brazil, Asistencia Social Savaneta, Asistencia Social Sta. Cruz, Asistencia Social Noord, Asistencia Social Rooi Congo, Stichting Hulp aan Slechthorenden, Stichting Ouden van Dagen, Stichting Diabetici, Charity Funds Winkel, Meel on Wheels, Stichting Geestelijk Gehandicapte Kinderen, Stichting Un Yuda Otro, Zuster Philotea (San Pedro Hospitaal), Stichting Caritas Aruba, y Asistencia Social Paradera....BRINDIS ta felicita ARUBA BANK y ta aplaudi e noble gesto aki di tur curazón....

ORTOGRAFIA....un tema cu a bolbe surgi riba tapete

público despues cu e sindicato di maestronan, V.L.A. a lanzé di nobo como contestación na cierto charla di Ministro Hendrik Croes, malinterpretando su palabranan di un modo sorprendente (pa no bisa otro cos)...E tipo di actitud aki ta crea desconfianza den pueblo pa cu e sindicato di maestronan, VLA..... Un actitud más conservador den su expresionnan publico por yuda hopi den eliminá sentimentonan di hostilidad cu ta perjudicá nos enseñanza....

VORM...e revista di e maestronan, ta specializando ultimamente den ataquenan agitador y articulan propagador di odio, manera nos por a lesa den e pen-ultimo edicion, scirbi nada menos cu pa e voz di ultratumba COUTINHO...E "ánima" aki ta sigui perdí den su limbo, for di cual e ta selama queto bai "scuchami...scuchami...scuchami'.." pero na Aruba no tin spiritista pa dialoga cupé....Coutinho, Coutinho fantasmánan no ta spanta ni nan propio sombra....

CAMPAÑA CONTRA PORNOGRAFIA....Nada menos cu na Paris e capital considera más relajá den moral den henter mundo occidental, a caba cu cuminsá un campaña feroz contra pornografia. Iniciá pa e prelado di Iglesia Católico, e peticiónnan a cuminsa surgi pa tuma medidanan contra loque ta wordu considera un aumento sin

precedente di pornografia y violencia na Francia...E expertonan a bisa cu den poco luna un sector cu ta traja pelicula na Francia a pasa di un erotismo discreto pa un obscenidad agresivo, presentando escenanan di extrema violencia, y frecuentemente yen di crueldad sadismo y morbosidad....Pero no ta e preladonan di Iglesia so ta protestando, sino e trajadornan di cine mes y e artistanan. Nan ta considerá cu e tempo di pelicula aki no por tin otro fin cu esun di emprobecimiento di e arte cinematográfico. "E riesgo no ta di frustración" nan ta bisa, "sino di alienacion. Ningun por califica e tipo di espectáculo aki como inofensivo pasobra e ta degrada ser humano te na e punto di cu ya e no ta un amo más sino un esclavo di su mes"...

NA CUBA...dos humilde cubano a bula e cerca di e cordon policial cu tin rond di e embajada di Venezuela pa busca asilo político for di e feroz regimen di Fidel...Un chofer di taxi y su enamorada un modesto mujer di pueblo...Despues nan a "abandoná voluntariamente" e sede diplomático pa entrega nan mes na e fuerza policial di Havana, loque bow tur punto di vista ta increíble y insolito. Ningun persona cu a logra llega a salvo for di un dictadura asina cruel ta bai bolbe entrega su mes voluntariamente, a sabiendas cu ta morto ta speré, un morto sigur, mes sigur cu morto mes. Ta kiko a pasa? Pakiko nan a bolbe entrega nan mes na e mes dictadura for di cual nan a scapa bow e riesgo di nan vida? Un caso insólito y cu no ta papia nada bon di e esnan involucrá den e asunto...Algo ta hole malo, masha malo den tur e asunto....

FENOMFENAL: "E cuervo-

nan ta saca e wowonan di un morto ora cu ya e no tin mester di nan; pero e aduladornan ta destrui e alma di personanan vivo ciegrandan". (Epicteto).

BALZAC semper a sostené tu "e mujer más virtuoso tin semper algo den djé cu no ta totalmente casto".

E general y Presidente di Chile, AUGUSTO PINOCHET den declaracinnan reciente a bisa "Mester tin un autodefensa cu por impidi cu den e mes democracia por desarrollá un flagelo cu tin pa objetivo e destrucción di democracia". Den su alocución e Jefe di Estado chileno a agrega: "Unión Soviético y Cuba a warda un silencio cobarde ora cu mi a proponé e liberación simultáneo di prisioneronan político, bow e control di organismonan internacional. Nan ta warda silencio y nan ta mantene ciento di mil di ser humanonan manera prisionero politico den camponan di concentracion, clinicanan siquiátrico y otro establecimientonan cu ta un verdadero verguenza pa dignidad humano.....

SEGUN INFORMACIONNAN DI PRENSA.....Un ataque nuclear limitá di URSS riba e basenan di cohete di Norteamerica por mata mas di 20 millón di norteamericano...Den un informe prepara pa e subcomision di Relacionnan Exterior di Senado, e Secretario di Defensa, James Schlesinger a afirmá cu 21 millon 700 mil norteamericano por muri si e soviéticonan estallá dos bomb di tres megaton riba cada un di e 1.054 silonan nuclear....Schlesinger a aclara tambe cu segun servicio di informacion, Unión Soviético no lo ta den capacidad di hacié te 1980.

# ESPEREMOS

na Koraal Specht Amandelweg 77, banda di Sunshine Bakery

ta brinda na su clientenan y favorecedornan e siguiente receta

## Soppi di Oester

2 bleki oester (8oz)

1 paki soppi

1 sobojo

1 tomati

1 promenton (ch)

5 batata (ch)

1 pida seldu

nutmuskaat

comino

salu

lamoentji

2 cuchara (gr) zeta

4 koppi awa

Corta e sibobo, tomati y promenton chiquito y hasa nan den e zeta. Ora nan ta dorá un poco agrega e awa i batatanan cascá y labá, e paki soppi, e nutmuskaat, salu y comino sigun smaak y seldo cortá chiquito. Laga nan herebe te ora e batatanan y aletria ta cushiná. Awor nos ta habri e blekinan di oester y nos ta bashanan cu su awa den e soppi. Laga nan herebe un rato hunto; no mucho pa e oesternan no kibra. Ora e ta cla nos ta primi un lamoentji aden y si kier por pone acerca promente.

## O

## Soppi Crema di Oester

2 bleki oester (8 oz.)

1 sibobo

1 tomati

1 promenton

2 cuchara (gr) zeta

casca di 1 lamoentji raspá

1 pida seldo

salu, nutmuskaat sigun smaak

2 bleki di cream of mushroom soup

2 cup di awa

Pa e soppi crema di oester, nos ta pone e sibobo, tomati y promenton cortá den un liquidora of pasá nan den mulina pa nan keda manera papa y nos ta hasanan despues den e zeta. Awor ta agrega e awa, despues e cream of mushroom y e oesternan cu nan awa. Pone acerca e casca di lamoentji raspá y seldo cortá chiquito y si kier un tiki peper. Tambe por hasié mas diki of menos diki cu e cantidad di awa.

# ESPEREMOS

na Koraal Specht Amandelweg 77, banda di Sunshine Bakery





*Teatro*

TIRSO DE MOLINA

# EPOCA DI ORO DI TEATRO ESPAÑO

Jossy M. Mansur

Su nombre tabata un seudónimo, pasobra en realidad Tirso de Molina tabata un homber artístico-literario adquirí pa Fray Gabriel Téllez, cu a nace na Madrid alrededor di 1584. Su estudionan el a cursa na Universidad di Alcalá, el a tuma su juramento den e Ordu di La Merced, y el a actua como maestro di teología. Además, Tirso tabata un persona asina versátil cu el a fungi tambe como un predicador di cierto renombre, como un cronista di su tempo, y el a desempeñá varios otros función.

Como dramaturgo el a scirbi mas di cuatrocien comedia, di cual nos conocé mas o menos ochenta, ya cu e resto a bai per-

dí cu tempo. Di su vida mes nos tin tanto datonan preciso pa por forma un idea más cabal di djé, pero dos cos ta queda cierto: su vocación religioso, y su prodigiosidad como dramaturgo.

Nos no por bisa cu Tirso de Molina tin propiamente e pasmoso facilidad di creación, ni riqueza di inspiración di Lope de Vega, ni tampoco cu su variedad ta asina ilimitá, pero contrario di Lope, nos ta haya cu Tirso de Molina ta muestra rasgonan más humano, su personajenan ta mihó trazá, nan ta mas completo, más real, nan ta definí cu mas forza, y nan ta más creíble pasobra nan ta más di carni y hueso. Si Lope de Vega a crea den su obranan un tipo di mujer más noble y ideal cu Tirso de

Molina, esaki na su vez a crea personajenan femenino más liber y desenfadá, y sigur sigur más real.

Tirso de Molina tambe tabata versátil y nos ta haya den su obranan un variedad basta extenso, aunque no mes extenso cu Lope de Vega. El a crea cu igual maestria obranan dramático, comedia, melodrama y tur género di obranan picaresco, ligé, patético y heróico. Su mihó criticonan ta di acuerdo cu un di e rasgonan más pronunciá di e obra di Tirso de Molina ta e frescura di su piezanan, cu ta parece eterno, yen di un juventud inmarcesible.

E valor di e teatro di Tirso ta sinta den e hecho cu e publico di awe en dia, casi tres cien año después cu el a muri, ta sinta

Participa un y tur na e

## CONCURSO ANIVERSARIO BRINDIS

y bo tin chance di

# Gana f. 500,-

na efectivo.

Tur lo cual bo mester haci ta leza e avisonan di Aruba y Curaçao debidamente y lo bo observa cu den algun di e avisonan ei ta aparece un letter suelto. Poniendo awor e letterman aki den orden correcto nan ta forma un frase cu tin connecion cu BRINDIS.

Yena pues e coupon aki bao y dirigiele promé cu dia 15 di november proximo na Sr Jossy Mansur, Sweefinckstraat 16, Aruba y na Sr Evan E. de Castro, Apartado 2067, Curaçao.

E sorteo lo tuma lugar dia 18 di november 1975. Ora y lugar lo wordé anuncia despues.

**Number** .....

**Direccion** .....

**E frase ta** .....

disfrutá di su obranan cu e mes placer y e mes gusto cu esnan cu a mira nan pa promé biaha den su propio época. Den e teatronan más moderno nan ta presentá awe tur su obranan cu a sobreviví, entre cual nos por menciona: "Don Gil de Las Calzas Verdes", "El Vergonzoso en Palacio", "Amar por Razón de Estado", "La Villana de Vallecas", "La Gallega Mari-Hernández", "El Castigo del Penseque", "Amar por Arte Mayor", "Pruebas de Amor y Amistad", "Celos Con Celos se Curan", "Cautela contra Cautela", y tanto más. Den e género di teatro cu nos por wel di llama "teológico", e obra supremo di Tirso de Molina ta, "El Condenado Por Desconfiado". Si nos tuma un pa su tono histórico, antó lo nos escogé como ejemplo: "La Prudencia En La Muher."

Pero e obra más famoso di Tirso de Molina ta sin ninguna duda: "El Burlador de Sevilla o el Convidado de Piedra", mihó conocí simplemente como "El Burlador de Sevilla". Su promé edición a sali na aña 1630. For di e tempo ey pa awor, ta hopi mil bez el a wordu presentá riba e escenarioman mas famoso di mundo. Su huella a queda marcá riba teatro universal pa via di un personaje cu a bira hasta legendario, o cu tabata legendario y a bira realidad den e obra di Tirso, y ta trata di Don Juan, e eterno enamorado, e eterno amante, e eterno ilusión na cual mujernan di mundo ta suspirá sin fin.

E validez di Don Juan ta asina arraigá caba rond di mundo cu e ta wanta su terreno banda di un Don Quijote y un Fausto, sin tuma o duna nada di popularidad na nan. Don Juan ta un personaje cu a cobra vida propio, cu a crece, cu a queda implantá den e memoria di tur generación, te cu e ta inmortal caba. Sacá for di

un leyenda biew, o di un recuerdo tradicional di un personaje cu a lo mejor a existí di berdad, Tirso de Molina a fijé cu rasgonan definí, el a duné un caracter vigoroso y humano, y asiná a convirtié den un di e personajenan berdaderamente memorable di literatura universal.

Pero no ta solamente obranan di genero histórico, heroico o teológico, el a scirbi, sino tambe creacionnan basá riba historiaman di biblia, y asina ta haya e relato di Absalón den: "La Venganza de Tamar", di un sentido trágico cu ta hacié hasta grandioso, y nos ta topa tambe cu e historia di Ruth den: "La Divina Espigadora", den cual tononan delicado y sereno ta predominá. E Santonan tambe ta haya nan representación generoso den e obranan di Tirso de Molina, manera San Homobono den "Santo y Sastre".

Den e teatro di Tirso nos ta haya tambe obranan cu ta yen di proverbionan dramático, den estilo di Musset, manera por ejemplo den "El Amor y La Amistad", junto cu henter un serie di comedianan palaciego, den cual nos ta topa conflictonan sentimental cu ta surgi for di diferencianan di condición o oposición social, manera "El Vergonzoso en Palacio". Entre esnan di intriga propiamente nos mester menciona: "Don Gil de Las Calzas Verdes", y tambe "Por el Sotano y El Torno", y den su comedianan más rebosante nos mester menciona: "Desde Toledo a Madrid", "En Madrid y En Una Casa", "Los Balcones de Madrid" y varios más.

Tirso de Molina, como dramaturgo, tabata poseedor di un genio excepcional, mescos cu Lope de Vega y Calderón. Su aptitud pa crea personajenan di significado amplio, e sentido cu e tabata poseé pa capta y saca provecho di efectonan di verdadero valor escénico. Y ta e rasgonan akí a permitié modelá algun di e tiponan di mujer más real di e teatro di su tempo.

E realismo cu el a fundi den su obranan ta semper vigoroso, y e tin pa trasfondo un ironía sutil, casi imperceptible. Tirso ta parece di ta hari den su mes riba e comedia humano, y manera cu el a descibié den su obranan, nos ta haya e impresión cu el a contemplá vida mes cu un indulgencia un poco malicioso. Tirso de Molina tabata un berdadero maestro, y el a laga constancia di esey den e potencia di su concepcionnan puramente artístico y den e finura di tur e detallenan cu e tabata inclui den cada obra. Tanto su dramanan y su comedianan, mescos cu e casi perfección di su personajenan, ta convirtié den un di e grandinan di e Siglo di Oro di teatro spañó.



**LESA Amigoe**

## CUATRO VIDAS

Al dulce son de mi cantar  
Quiero ofrendar mi corazón  
Todo mi ser, todo mi amor  
En aras de una pasión.

Vida, si tuviera cuatro vidas  
Cuatro vidas serían para tí.

Vida  
Si te llevas mi vida  
Contento moriré por tí  
Alma

Si te llevas mi alma  
Contento moriré por tí

Ser  
Si te llevas mi ser  
Contento moriré por tí

Corazón  
En mi corazón te llevas  
mi alma, mi vida y mi ser.  
Si tuviera cuatro vidas  
Cuatro vidas serían para tí.

---

---

---

## CITA A LAS SEIS

A las seis es la cita,  
No te olvides de ir  
Tengo tantas cositas  
Que te quiero pedir  
Al caer de la tarde  
Cuando se oculta el sol  
Nos hallará la noche  
Hablándonos de amor  
Te cubriré de besos  
Porque tu eres mi Dios  
Te arrullaré en mis brazos  
Como en los cuentos de amor  
Y las horas tranquilas  
Pasarán sin sentir  
Hallará en nuestras vidas  
Una historia feliz  
Me miraré en tus ojos  
Para calmar mi sed  
No faltes a la cita  
Que te espero a las seis.



ta conocí pa su servicio unico den e ramo óptico. Alla bo por encarga bo bril segun bo smaak. Gran variedad di montura den un infinidad di model di ultima moda y den coloran cu ta combina cu color di bo piel. Bril di solo Christian Dior, brilnan cu glas cu ta cambia di color, brilnan di marcanan renombra manera Ray-Ban, Pertegaz, Zeiss etc. etc. I no lubida cu nos por haci e glasan duro cu nan no ta kibra. Nos ta entregabo contact lens den 24 ora tambe.



No keda pues sin haci un bisjita na bo "PALACIO EN OPTICA"

Caribbean  
Optical

Madurostraat 8

Tel. 13051

# Mitología



Eco tabata un ninfa hermosa, jiu di Terra y di Aire, y e tabata pertenecé na e séquito di e diosa Hera.

Zeus, e tata di tur e diosnan, a logra un dia convencé Eco pa e bira su cómplice mientras cu e tabata entretené su mes cu actonan di infidelidad, gañando asina su casá. Eco a bai di acuerdo, y mientras Zeus tabata disfrutá di su amornan ilícito, Eco tabata conta su casá relatonan largo y cuentonan hermoso pa e no haya sá di e amornan di Zeus. Pero riba un bon dia el a haya sá tur loque tabata pasando, y e papel infame cu Eco tabata jugando, y el a regañé y el a pasa riba djé un maldición:

-- Pasobra bo a traicionami, entreteniendo mi mente mientras mi casá tabata gañami, mi ta condenabo pa no papia nunca mas sin ser interrogá, y pa bo respondé solamente ora cu nan puntrabo. Di bo propio voluntad ningun palabra lo bolbe scapa for di bo boca.

Y e pover ninfa a queda practicamente mudo, cu e tremendo tortura di no por a declará su mes na ningun amante y ningun joven cu tabata llama su atención, especialmente e bello Narciso, di kende e tabata locamente enamorá.

Narciso mes tabata un joven casto. Su tata, e riew Cefiso, tabata divinidad di e awanan, y

su mama, Liriopea, tabata un hermosa ninfa. Sin embargo, e causa di e castidad di Narciso tabata parti precisamente for di su defecto di no por a sinti atracción pa mujernan, pa mas bunita cu nan tabata. E característica aki a situé den un posición masha violento ora cu el a topa cu e preciosa ninfa Eco.

Pa Narciso, e gestonan y e ofrecimientonan di e hermosa Eco tabata carecé di tur atractivo, pero Eco tabata topé asina hopi biaha a propósito, y e tabata miré cu wowonan asina lánguido di amor, cu Narciso un dia a puntré:

-- Kiko bo kier, Eco?  
E ninfa a suspirá cu alivio

pasobra por fin e por a haya chance di papia, y el a apresurá den bisé:

--Mi kier pa nos dos uni pa semper, Narciso, pa mi mostrabo mi amor.

-- Bai for di mi presencia -- Narciso a contesté cu vehemencia y hopi brusquedad. -- Boso, mujernan, ta odioso y pisá. Lagami na paz!

Y sin para pa sigui tende e súplicanan molesto di Eco, Narciso a bira su lomba riba djé y el a bai. Eco a queda ta lamentá, llorando e amor cu el a caba di perde pa semper.

Pero, despues di a stop di lora, el a sinti cu e insulto cu el a ricibí tabata mas cu su orgullo por a wanta, y el a dirigí su mes na Zeus, pa busca catigo pa Narciso pasobra el a desprecié. El a suplicá e tata di tur e diosnan pa yude haya venganza, pero Zeus a contesté:

-- Lubidá Narciso, Eco. E no ta pa bo. Pero e Sátiro Pan ta stimabo. Kiko mas bo kier?

Horrorizá, Eco a contesté: -- Pero Pan ta mahós, e ta deforme, e tin piá hundí y rabo di cabrito. E tin cacho y tur loque e sá haci ta toca un flauta pastorel.

Pero e insistencia di Eco a haci Zeus pasa un sentencia fatal riba Narciso, condenando e pa enamorá apasionadamente di e promé imagen o persona humano cu su wowonan lo mira, y asina el a cai pa su propio reflejo cu el a contemplá den e awanan di un riew.

Eco a sigui ta vaga en bus

ca di amor, y un dia, mientras cu e tabata escondí den algun matorral, y e tabata canta su cancionnan mas sentimental, e

sátiro Pan a scuché. Fasciná, el a hala cerca y el a contemplá e hermosa ninfa for di hopi proximidad y el a queda enamora di



LEO BERLINSKI - JEWELERS

*established over 40 years*

ARUBA - BONAIRE - NEW YORK



Visit our exquisite specialized "Crystal Galleries"

featuring romantic and robust pieces in among others Waterford - Orrefors - St. Louis & Royal Doulton.

**WATERFORD ORREFORS**

St. Louis  
Aynsley China  
Christofle  
Limoges  
Royal Doulton

djé. Pan a acerqué más y más, y ora cu e tabata pará banda di djé, el a bisé:

-Tende, maravillosa Eco, bo kier bira mi esposa?

E ninfa a queda aterrada di mira e satiro mahós y deforme pará banda di djé, y el a haya disgusto asina grandi ora cu el a mira su horeanan peludo y su cachonan di cabrito, cu di un salto el a lanza su mes den veloz carreda den mondi. El a corre asina hopi, su pianan mes veloz cu flecha, cu por fin el a bai para leew for di Pan, pa e no bolbe mira su horrible figura.

Rendí pa cansancio y pa miedo, el a busca refugio den un cueva profundo. For di cueva, Eco a cuminsá grita pa Narciso, e hermoso joven cazador cu e tabata stima asina locamente locamente, sperando pa e bin na su ayuda. Pero tabata inútil, y ni tur su llamadan a trece Narciso cerca djé, y e pover ninfa Eco a speré den e scuridad di e cueva sin cu e orgulloso y despreciativo Narciso a acudi pa salbé for di e tinieblanan.

Asina e amor y e dolor di e pover ninfa a consumié, y Eco a queda ta biba pa semper den e solitario cueva di e montaña, y ta blo su voz so a sobreviví.

For di e dia triste ey. Eco ta respondé semper tur e caminantenan cu ta pasa dilanti di e montañanan, y e ta ripití e ultimo silaba di nan palabranan, pasobra ya e no tabata tin más forza pa llama su adorado Narciso, e cruel y desdeñoso cazador cu no kier a scuché. Y ta for di e leyenda mitológico aki, e palabra "eco" a nace y ta forma parti di nos vocabulario actual.

10

## MANDAMIENTO PA MUJER

E profeta Mud-Mahomé di Tripoli, a scirbi e 10 mandamientonan aki mas di 200 aña pasá, y awor como ta aña di mujer, nos a pensa cu ta oportuno reviví nan pa mujer moderno mira con leew el a llega:

1. Bo ta carné di bo marí y bo mester obedecé den tur cos.
2. No pidi bo marí placa nunca.
3. Bo no mester discutí nunca; discutí cu bo jiunan só.
4. Si bo sinti algun dolor físico, no queja nunca na boz halto pa molestiá otro, ma wanta bo sufrimiento boca cerrá.
5. Percurá no siña lesa ni scirbi, pasobra ignorancia ta e virtud mas perfecto cu un mujer por tin.
6. No casa cu un homber cu tin otro esposa o querida.
7. No casa cu un cu no ta di e mes religion cu es cu bo ta profesá.
8. Stima bo amiganan ma no bo amigonan.
9. Ora bo ta hari, no laga otro hende mira bo djente, pasobra un mujer bon di gaba, mester tin semper un boca cerrá y cara di tempestad.
10. Cuida bo cabeí ariba tur cos y hasi tur sorto di sacrificio pa bo conservá semper un bunita cabellera.

FRASENAN  
CELEBRE

Si bo tin hopi, duna cu abundancia; si bo tin poco, procurá duna di bon gana di e poco cu bo tin.

Tobias

Nos no a bin mundo pa ta dichoso, sino pa sufri; y ta blo Dios sa ta pakiko esaki ta necesario.

Isabel di Rumania

E egoista cu ta stima su so, no ta wordu stimá pa ningun otro.

Antonio Eymieu

Felicidad ta un estado di consenchi y e no ta dependé di e posesionnan material.

Charles Haanel


Si nos kier mira e stella di nos destino, anto nos mester busqué den nos curazón.

Orison Marden

No kere cu tur homber cu ta declará nan mes como bo amigo ta en verdad bo amigo; no apresurá tampoco pa mira un enemigo den cada persona.

John Lubbock

FRASENAN  
CELEBRE



Esaki ta un parti chiquito di tur lo cual CURACAO HARDWARE CO. N.V. na Fokkerweg 50 cu su telefonnan 54298 y 54288 por ofrecebo.

Alla bo por hanja lo ke bo tin mester den ferreteria y articulo pa cas y e servicio ta de lo mejor. Un bisjita lo convencebo sigur.

"NA UNDA ABO Y BO CAS SEMPER TA BIN PROMER" "NA UNDA



E CENTRO PA TUR ARTICULO PA DECORA OF  
RENOBA BO CAS PA FIN DI AÑA TA E

HOME CENTER DEPARTMENT

DI

ARUBA HARDWARE C.V.

den Wilhelminastraat

HACI NOS UN BISHITA Y KEDA CONVENCI!!!!

TA BIN PROMER" "NA UNDA ABO Y BO CAS SEMPER TA BIN PROMER" "NA UNDA ABO Y BO CAS SEMPER TA BIN PROMER" "NA UNDA ABO Y BO CAS SEMPER



# entre



## FRANELANAN DI OLOR ..

E novedad awor ta franelanan cu tin figuranan estampá y cu tamba tin un olor di e figura impreso y cu bo por sinti. Si e figura ta un hamburger antó e franel tin olor di hamburger. Si bo escoge un franel cu tin un pizza pintá riba djé, antó bo mester conformabo cu e ta bai holer pizza. Un di naranja lo holer naranja y asina tur franel cu figura lo tin e olor di e figura pintá riba djé. E preis di e novedad aki ta entre 2 y 6 dolar y e olor lo queda te e di cinco ó seis laba.

Boso por imaginá e olor repugante y insoportable cu lo surgi ora cu un grupo di joven contra y cada un tin un franel cu un figura diferente, y e aroma di concomber lo mezcla cu esun di pizza, di flor, di chuculati y di hot dog?

## JACQUELINE....

Awor e hopi polémica y hopi comentá jacqueline Ex-Kennedy, Ex-Onassis, cu a caba di cumpli 46 aña, a aceptá un job como asesor literaria den e editorial neorquino "Viking Press".

Riba e salario cu e ta gana e editorial a preferá di warda silencio, pero ta calculá cu e lo gana \$200 pa simán. E editorial a splica cu e viuda lo tin un oficina privá den e empresa, aunque no ta necesario pa e bai su oficina tur dia.

Onassis a lagué \$250.000 pero e cantidad ey ta poco placa pa Jackie, ya cu su lujoso apartamento ta costé \$3000 pa luna pa

simple mantención, y Jackie no tin auto propio, sino cu e ta viaja den taxi tur ora bai.

Ya cu Jacqueline tin un proyecto pa scirbi un buki, su contacto nan internacional y su relación

White Label  
THE WORLD'S FINEST SCOTCH WHISKY  
OF GREAT AGE  
John Dewar & Sons Ltd  
DISTILLERS  
PERTH  
SCOTLAND

—the most  
B highly prized whisky  
in the world

it never varies

A black and white advertisement for White Label Scotch Whisky. The central focus is a bottle of John Dewar & Sons Scotch Whisky, surrounded by a collage of numerous award medals and coins. The text below the bottle reads: "—the most highly prized whisky in the world" and "it never varies". A small illustration of a woman in a dress is positioned to the right of the text.

cu alta sociedad por bira masha  
util pa e editora "Viking Press"

"Ora cu mujernan ta scirbi,  
nan tin semper un wowo riba e  
papel y e otro wowo riba un  
homber."

Heine

"FOR RICHER FOR  
POORER".....

SHEILAH GRAHAM, autora  
di e explosivo buki "For Richer  
For Poorer", ta e Chismografa  
norteamericana mas temible di  
actualidad. Su obra cu reciente-  
mente a sali riba mercado, ta un  
bukí escandaloso cu a sacudi  
henter e alta sociedad internacio-  
nal, pasobra e ta destrozá varios  
"cazadornan di millonario".

Den su buki, Sheila ta bisa cu  
Jacqueline Onassis ta un persona  
avaro, egoista, extravagante vani-  
dosa y cruel. Sheila ta asegurá cu  
Jackie a casa cu Onassis pa  
amargá e vida di su ruman mujer  
Lee, kende tabata amiga di e  
magnate griego promé cu el a  
casa cuné. Sheila a bisa di Jackie:  
"E ta gusta absorbe opulencia, e  
ta encantá benta placa afo, sin  
siquiera conté. ¿Ta kiko por  
pensa di un muher cu tabata tin  
un camber traha di puro spiel  
pa e por a mira su mes for di tur  
parti?

E MUJER MIHO BISTI....

Esaki ta corresponde na e  
Duquesa di Windsor, kende a  
mantené e reinado mas largo di e  
mujer mihó bisti di mundo. For  
di 1938 te 1953 o sea 15 aña  
consecutivo. Esaki si ta un  
record!

"Mujernan mester usa nan  
gracianan cu tacto, pa asina nan  
queda semper cu un mas pa  
revelá."

Pitágoras

E-PRINCIPIO DI EVA....

Segun Biblia, mujer a wordu

crea cu un ribchi di Adán. Ta  
conoci tambe cu e libro sagrado  
ta mencioná 3.017 personaje  
masculino y solamente 181 per-  
sonaje femenino.

E endocrinólogo norteameri-  
cano JOHN NOREY, a lanza un  
teoria caminda e ta determiná cu

"ciencia ta bai desmenti categori-  
camente cu mujer a wordu creá  
después di homber. Tur lo  
contrario, nos ta convencí cu  
mujernan a precede homber  
biológicamente, y cu nan ta  
superior for di e punto di vista  
genético." Pa conclui e científico

# KAN



famoso pa

su diseño original

den joyería

desde 1918



# J&B

RARE  
BLENDED SCOTCH  
WHISKY

# Harms Bros.

ta splica cu: "e embrión ta un neutro, pero potencialmente femenino. Den ausencia di otro solicitud, esaki ta sigui su via natural y e ta queda femenino. Pa e por wordu transformá den masculino tin mester di cumpli, hormonal y biologicamente, un serie di operacionnan complicá."

#### PILOTO CU 83 AÑA....

Marian Hart, di 83 año di edad, a caba di cumpli cu e hazaña di a bula un "Beechcraft" completan so riba Atlántico. Marian a sali den su avioneta for di Washington y el a aterrizá na Islandia, for di unda e tin intención di sigui su vuelo te Medio Oriente.

Su junan tin e intención di disuadié di haci esaki mientras cu su nietonan ta aplaudié vigorosamente.

#### BISTI TA UN TRIUNFO DI MODA....

E estilo nobo di elegancia femenino den actualidad ta bisti. Nan a caba di anunciá e linea tubo, cu a haci furor den e añanan 40 y ta e mes linea aki a ejerce su influencia riba vestuario femenino.

Bisti, estilo camiseru di linea recto o amplio, ta e prenda mas solicitá. Ta bisti mes ta wordu proponí pa bira un estilo deportivo di dia y un modelo refiná y elegante pa anochi. Den tur dos caso e modelo mes no ta sufri alteracionnan fundamental, pero nan ta viaria den detalle. Den e versión diurno deportivo e ta apenas cubri rudilla, y den e version nocturno e ta llega te suela.

Otro factor ta sinta den e tela según e ocasionnan apropiá. Camiseru pa dia ta trahá di jersey y di lana cu talla marca cu cinturón, cuello di homber y manga largo. Pa anochi, e blusa ta bira suave, e talle no ta marca cintura y e cuello ta convertí den

escote. E manganan, aun largo, lo ta mas hancho. E tela pa camiseru di anochi lo ta di seda, trahá cu oro o plata.

Un frase masha pintoresco di Santa Teresa de Jesus ta: "Mujer nan ta e paraíso pa wowonan, infierno pa almanan, purgatorio pa saconan y e limbo di pensamionan."



## KINTORE

Re WHISKEY del momento esun cu lo bo gusta sigur sigur

Agente:

J.A.J. Sprock  
N.V.

tel: 12966

## LAM YUEN BAR-RESTAURANT

aireacondicionado



DINE  
ROYALLY

Caminda Bo weta e sign aki Bo por ta sigur cu Bo a yega na e único lugar den Antiyas unda - den un ambiente agradable - bo por come Bo platonan favorito Chines of internacional manera un rey

Y no lubida nunca cu.....

NOS NEGOSHI TA BASA RIBA CALIDAD!

Fokkerweg 25 - Telefon 35886 - 36572

FRASENAN  
CELEBRE

E base di paz ta sinta den no deseá loque ta di otro, y e fruto di bienestar ta tranquilidad.

Pedro Alfonso

Envidiá e hendenan cu bo ta despreciá ta un pasión vergonzoso pasobra e ta amargá bo propio vida.

François Mauriac

E triunfo más bunita di un escritor ta sintá den haci otro pensa loque nan ta capaz di pensa.

Eugene Delacroix

No ta prudente obligá ningun hende sigui un studio pa cual en no ta sinti ni e menor cariño.

Hjalmar Schact

Esnan cu ta concedé favor ta preta después cu nan exigencianan.

San Agustin

E hipócritanan ta disimulá nan defectonan dilanti di otro y dilanti di nan mes, pero e hombernan honrado ta reconocé nan y ta confesá nan faltanan.

La Rochefoucould

"Homber mester ta bello cu 20 año, fuerte cu 30 año, rico cu 40 año y sabio cu 50 año".

Blas García

FRASENAN  
CELEBRE

ANECDOTA:

Nan a puntra Sócrates ta kiko ta mihó pa homber: casa o queda soltero. E filósofo a respondé:

--Laga homber sigui cualque un di e dos camindanan, pasobra di tur dos manera e ta bai arreperntí.

ANECDOTA:

Felipe IV a regalá un señorita un renchi di gran valor, na ocasión di un baile den su palacio, y el a puntré:

--Unda mester pasa pa drenta bo camber?

--Señor -- e mucha mujer a contestá: -- Door di e porta di iglesia!

ALL PURPOSE CLEANER  
with Ammonia



SOFT & GENTLE  
PINK LIQUID



Exclusive distributors:

WEVER DISTRIBUTING COMPANY

Schoolstraat 4, Aruba, Tel. 3792

MOISES DE MARCHENA & SONS N.V.

Passaarstraat 8, Curaçao, Tel. 12465



En verdad.....  
nos botica ta situa  
na un parti  
estrategico.....

pa sirbi un y tur cu su

- \* departamentu di recept agradable
- \* remedinan patenta
- \* departamentu di cosmetica

HACI NOS PUES UN BISJITA!

**BOTICA BRIEVENGAT 1968 N.V.**

Corriweg 32 - Tel. 79098 - 79567

# TALENTO Antillano

## VANIDAD

Pará dilanti di tin spiel  
mi ta mira un refleho  
un sombra nada mas c'a keda  
di loke un tempo tabata.  
Na unda tur mi hubentud?  
Na unda tur mi vanidad?  
Mi wowonan ya n'tin fulgor.  
mi lipnan marchitá y seco  
ta murmurá cu'n voz sin eco  
no, no por tá...  
e spiel mester ta kiboká.

Digna Lacle H.

## ARUBA BUNITA

B'a ripará  
con bunita 'Ruba ta  
despues di poco awacero?  
E santo blanco, blanco-blanco  
e luz di solo ta reflehá,  
barancanan limpi labá  
ta briya y torna tur color,  
cadushi, kwihi, watapana  
ta lómbra un berde nuansá  
y tur caminda e flor di anglo  
ta plama un perfume suave  
y ta ponemi exclamá:  
esta bunita 'Ruba ta!

Digna Lacle H.

## TUR COS TA

## YEGA SU FINAL

B'a lubidá cu aki bao  
tur cos ta yega su final  
B'a tira piedra sconde man  
un pieu b'a haci bir'un baca  
biento b'a sembra pa bo cosechá horcán  
Man' Pilato bo a laba man...  
Pober di bo, ora mañan  
tur hende pa bo a bira lomba  
lagá bo atras manera un wantomba  
y ni páhranan di mondi  
ke compañía bo den bo soledad.

Digna Lacle H.

---

---

# BRINDIS

*ta extende un cordial*

*felicitation na* **Marlboro** *e team*  
*campeon di Baseball di Antillas pa 1975*



# PAGINA SOCIAL ARUBA

## CUMPLEAÑO DI JUAN CARLOS PONSON

A haci aña e simpático jiu di e pareja, Dr. Carlos Ponson y su esposa, Emperatriz. BRINDIS ta felicita Juan Carlos y su mayornan den e di 3 cumpleaños di Juan Carlos. E joven a celebré den unión di su amiguita y amiguitonan cu un formidable piñata den forma di payaso. Golosina tabata tin na granel y e fiesta tabata hopi animá.

*E gracioso rumannan Eric y Dania Arends a cumpli 4 y 5 aña di edad respectivamente. Eric y Dania ta junan di e conocido pareja, Albert (Boei) y Sara Arends-Mansur. Redacción di BRINDIS ta deseá nan tur felicidad y un vida yen di éxito y buenaventura.*



Juan Carlos Ponson, den su fiesta, saboreando un cos dushi.



*E feliz pareja Jossy y Cornelia Oduber Wever, riba e fecha di nan 40 aña di unión matrimonial.*

**ANIVERSARIO MATRIMONIAL DI 40 AÑA — JOSSY Y CORNELIA ODUBER-WEVER**

Un nota resaltante den un mundo social Arubano tabata e aniversario di boda di e esposonan Jossy y Cornelia Oduber-Wever, cu ta constitui un pareja masha estimá den e circulonan di nan amistadnan.

Pa celebrá e fecha, e jiunan di e

pareja, Sra. Viuda Lydia Valbuena, Dan y Stella Oduber-Habibe, Astrid y José Contreras Oduber, Alfred y Elly Oduber-Bruer, Elfrida y Nell Harms-Oduber, Corry y Ebby Arends-Oduber, y Ochi Oduber, a reuní den un fiesta espléndido, despues di a atendé un misa, y den un ambiente di suma alegría, e familiar y amistadnan di e feliz

pareja a brinda pa tan magno acontecimiento matrimonial. BRINDIS ta deseá e pareja Jossy y Cornelia Oduber-Wever hopi aña más di feliz existencia, den unión di nan jiunan y nan 16 nietonan.

**CUMPLEAÑO DI NICOLE VERSCHOOR**

E feliz mayornan di Nicole a celebrá su di dos aña cu un fiesta alegre den nan propio hogar. Familiarnan y amiguito- y amiguitanan di Nicole a asistí cu nan regalonan tradicional, pa brinda junto cuné riba un fecha asina grato. E reunión a resultá masha animá pa e grupo di muchanan cu a queda na e residencia di e Verschoornan te horanan laat di anochi. Un pabién especial ta bai pa Nicole di parti di BRINDIS.



*E nietonan di e pareja dedicando un canción na nan welanan.*



*Den promé plano, Sr. Ebby Arends bailando cu su jiu, mientras cu e pareja Federico y Libia Arends ta duna un demostración ta con mester balia un merengue.*



*Den e grafico nos por mira Nicole Verschoor, cu un sonrisa yen di felicidad.*

**CELEBRACION DI 45 AÑA DI FELIZ VIDA MATRIMONIAL**

BRINDIS ta extendé un felicitación especial na Sr. Elias Mansur y su esposa, Sra. Damia Mansur, den ocasión di a cumpli nan 45 aña di vida matrimonial. E pareja a celebrá e fecha den unión di nan jiunan y nietonan, den nan propio hogar.



# Aniversarionan di Boda

- 1 aña – BODA DI PAPEL  
E papel ta simbolizá Alba.
- 2 aña – BODA DI CATUNA  
E catuna ta simbolizá optimismo.
- 3 aña – BODA DI ZINC  
E zinc ta simbolizá conformidad.
- 4 aña – BODA DI COPPER  
E Copper ta simbolizá dureza.
- 5 aña – BODA DI MADERA  
E Madera ta simbolizá paz espiritual.
- 6 aña – BODA DI ESTAÑO  
E Estaño ta simbolizá comprensión.
- 7 aña – BODA DI MERCURIO  
E Mercurio ta simbolizá incorruptibilidad.
- 8 aña – BODA DI MARMOL  
E Marmol ta simbolizá solidez y amor eterno.
- 10 aña – BODA DI MARFIL  
E marfil ta simbolizá discreción
- 11 aña – BODA DI CAUCHO  
E caucho ta simbolizá progreso.
- 12 aña – BODA DI SEDA  
E Seda ta simbolizá tranquilidad.
- 13 aña – BODA DI ALABASTRO  
E Alabastro ta simbolizá claridad.
- 14 aña – BODA DI TOPACIO  
E Topazo ta simbolizá fé.
- 15 aña – BODA DI CRISTAL  
E Cristal ta simbolizá diafanidad.
- 16 aña – BODA DI HERU  
E Heru ta simbolizá fortaleza.
- 17 aña – BODA DI NACAR  
E Nacar ta simbolizá pureza.
- 18 aña – BODA DI ONIX  
E Onix ta simbolizá lealtad.
- 19 aña – BODA DI BRONCE  
E Bronce ta simbolizá memoria fiel y agradecimiento.
- 20 aña – BODA DI PORCELANA  
E porcelana ta simbolizá fidelidad.
- 21 aña – BODA DI JADE  
E jade ta simbolizá dulzura.
- 22 aña – BODA DI ARCILLA  
E arcilla ta simbolizá amor fecundo.
- 23 aña – BODA DI OPALO  
E opalo ta simbolizá limpieza.
- 24 aña – BODA DI AZABACHE  
E azabache ta simbolizá vigilancia.
- 25 aña – BODA DI PLATA  
E plata ta simbolizá verdad, franqueza, integridad y felicidad.
- 26 aña – BODA DI GLAS  
E glas ta simbolizá delicadeza.
- 27 aña – BODA DI AMATISTA  
E amatista ta simbolizá sobriedad y dicha.
- 28 aña – BODA DI BERILO  
E berilo ta simbolizá cortesía y galantería.
- 29 aña – BODA DI GRANATE  
E granate ta simbolizá granate.
- 30 aña – BODA DI PERLA  
E perla ta simbolizá felicidad conyugal.
- 35 aña – BODA DI CORAL  
E coral ta simbolizá constancia.
- 40 aña – BODA DI RUBI  
E rubi ta simbolizá virtud y elegancia.
- 45 aña – BODA DI ZAFIRO  
E zafiro ta simbolizá estabilidad.
- 50 aña – BODA DI ORO  
E oro ta simbolizá nobleza, sabiduría y justicia.
- 55 aña – BODA DI ESMERALDA  
E esmeralda ta simbolizá esperanza.
- 60 aña – BODA DI DIAMANTE  
E diamante ta simbolizá amor firme.
- 75 aña – BODA DI PLATINO  
E platino ta simbolizá perfección.



# 1955

15 NOVEMBER

# 1975

## **MI RECUERDO DI 20 ANJA PASAR MISA DI LA VIRGEN DI COROMOTO ANTRIOL BONAIRE**

Poco poco ta bai jegando e Fecha Historico di nos Misa di "LA VIRGEN DE COROMOTO" na ANTRIOL BONAIRE. Dia 15 di NOVEMBER 1955, a ser marcá e fecha di nos Misa, nos Parroquia nobo cu a lamanta den Antriol. Mi ta agradecido na Sra. Difunta, Paulita Statie, den kende su cas na Antriol nos a reuni pa forma e Comité cu a carga e nomber di "COMITE LA VIRGEN DE COROMOTO", riba dia 5 di Mei 1953.

Dia 15 di NOVEMBER nos Misa a ser Bendicioná pa nos Rev. Pastoor VOLK. O.P. kende tabata nos advisor espiritual, despues di Pastoor Standenmeyer. Gracias na Su Exc. Monseñor A. Van der Veen Zeppenveldt. O.P. di feliz memoria kende a duna mi e

encargo grandi pa traha e Misa, y cual su cai a nan mi tin bon conserva den mi archivo, durante 20 anja, un recuerdo cu nunca lo mi por lubida. Gracias na mi companjero nan di lucha, na Sr. Francisco Goeloe, Sr. Augusto Flores, Sr. Martins Winklaar y Sr. Mario Martis, (Shon Ma), Shon Ben Martis nan a lucha hunto cu mi te na final, pa nos por ta orgulloso, di tin nos mes Parroquia, nos mes pastoor, gracias na tur cu a coopera cu alma y curpa pa nos por a logra scirbi e bonita nomber di "COROMOTO" na Antriol, Gracias na tur hende cu a juda contribui, y hasta esnan cu a bira lomba pa Iglesia, tambe mi ta jama nan mashar danki, maske cu awe nan a braza un otro religion, pero nan corda riba bon Dios cu

ta mira tur cos y ta hasi milagro ainda. Mi ta reza pidi Dios pa nan, "pasobra nan no sabi loke nan a haci".

Mi ta contento cu awe nos Misa ta bai cumpli 20 anja, y mi ta spera cu nos Pueblo di Coromoto y tur esnan cu ta simpatiza cu nos, di juda nos den es dia grandi aki, coopera pa nos hiba e dia aki dilanti y haciele inolvidable, Recorda nos bon, dia cu Sagrada Reliquia a jega BONAIRE, recorda nos bon kiko a pasa, no lubida, recorda nos es dia nan aki, tur loke nos tabatin na Coromoto, danki na Dios cu awe mi ta na bida, pa mi mes por mira cu mi mes wowo tur loke a pasa den e 20 anja cu nos Parroquia ta existi. Mi ta pidi bon Diosa na rudia, juda mi y

duna mi forza pa mi por mira mi  
Misa un tiki mas adilanti.

Dia 1 di Maart 1953, Su  
Exc. Rev. Monseñor A. Van der  
Veen Zeppenveldt. O.P. d.f.m. a  
duna mi su firma pa mi por a

## DOS ALMAS

Dos almas que en el mundo  
Había unido Diós  
Dos almas que se amaban  
Eso éramos tu y yo.

Por la sangrante herida  
De nuestro inmenso amor  
Nos dábamos la vida  
Como jamás se dió.

Un día en el camino  
Que cruzaban nuestras almas  
Surgió una sombra de odio  
Que nos apartó a los dos  
Y desde aquel instante  
Mejor fuera morir  
Ni cerca ni distante  
Podemos ya vivir.

---

## AMOR CIEGO

No, no me dejes sola  
Mira que me muero  
Si no estoy contigo  
no me dejes sola  
Hoy que necesito  
Mucho mas de ti

Ven, que yo te prometo  
Ni mirar tus ojos,  
Ni besar tu boca  
Ven, no me desampares  
Mira que me muero  
Si te vas de mi  
Ven, que aunque yo no pueda  
Ni mirar tus ojos  
Ni besar tu boca  
Tu me darás consuelo  
A un amor tan ciego,  
Como lo es mi amor.

logra lamanta un Capilla di  
debocion na Mama Maria La  
Virgen de Coromoto na Antriol,  
segun mi Corazón tabata desea,  
mi deseo a worde cumpli, ora cu  
el a duna orden pa lamanta un  
Misa mes na lugar di un Capilla.

Ainda ta fresco den mi memoria  
e palabra di Su Excelencia  
Monseñor, su ultima carta cu el a  
scirbi mi, "Sr. PROVENCE, Dios  
Bendiciona Bo y LA VIRGEN  
DE COROMOTO proteha Bo".

Nunca lo mi lubida e bonita  
palabranan aki cu el a expresa  
den su ultima carta. Su carta nan  
lo ta un recuerdo pa mi tur ora  
mi ta leza nan y mi Corazon ta  
jena di gozo, pa e bonita  
palabranan di aliento, cu el a  
manda mi, cu a duna mi forza pa  
lamanta e grupo di "LEGION DI  
MARIA". Gracias na tur e bon  
Legionario nan, cu te awe nan ta  
activo, pero plamá den oracion.

Gracias na tur hende cu a juda  
nos, tanto di Rincon, Playa

Nikiboko, Tera Cora, Noord,  
Salinja y nos Antriol mes,  
caminda nos tabata bai tene  
reunion tur ora. Mi ta spera cu  
den es dianan di fiesta aki, tur  
hende lo sabi di recorda su  
Parroquia, y no lubida, cu ta nos  
cas e ta, nos solitario cu Dios y  
nos Santonan.

Riba e promer piedra nos  
por leza e bonita palabra nan, cu  
a ser expresá dia cu a lamanta e  
Misa di Coromoto. FOR DI  
MONDI A CORTELE MUCHA-  
NAN A TRECELE, PASTOOR  
VOLK A PONELE".

P'esey Parroquiano nan di  
LA VIRGEN DE COROMOTO,  
duna nos un judanza pa es gran  
dia aki, coopera cu nos pa nos  
celebra e fecha Solememente,  
un Misa Solem cu presencia di  
Obispo W.M. ELLIS.

Masha danki

J.C. PROVENCE

## RADIO HOYER 1

tur diadomingo mainta  
11.00'or pa 1.30'or

Programa cu

Informe Deportivo

y

Musica Varia

Na encargo di

**AIDITA**



# TALENTO Antillano

TALENTO  
ANTILLANO

## E BEBIDA

(Traduccion di De Drank)

Tene e glas aki leeuw fo'i bo boca  
No largè contenido pas'e horca  
Anke e ta hopi costoso  
Pero e ta masha peligroso.

Homber nan salu  
El a haci malo  
Trahadó respetá  
a ser despreciá.

El ta kita paz  
for di cas.

Ta ranca pan  
for di man.

E bebida  
ta kita

Bo bida

Ta trece

disgusto

Y susto

Miseria

Divorcio

Y pleito.

Si bo kier biba feliz  
Anto evita e likido fis.

Cecilia Everts  
Bonaire  
(Traducción di  
"Den Drank")

## PROFECIA FALSO

Si tin un cos ta molestia mi  
Ta cu hende a bini fo'i macaco  
Si bisa cu hende a bira macaco  
Lo ta' algo mas mihó.  
Si criador a cria animal  
Pahra y piscá  
Pakiko hende si no  
esey ta profecia falso.  
Pa ganja bo cu'n tin Dios  
Si un cristian ta bisa:  
"Adam cu Eva ta historia"  
Anto ta kibra bijbel tira 'fo.

Cecilia Everts  
Bonaire

## FLOR DI ZINIA

Stima mi, admira mi y caricia mi  
pero aprecia mi y respeta mi.  
Mi 'n kier ta e cajena di cada dia  
Tampoco mi por ta e lelie  
Simbolo di pureza y yen di alegria  
Pero comprende mi y no desprecia mi.  
Acepta mi como un flor di zinia.

Un flor sin olor  
rico na color

Un flor duradero

No di un solo dia

Sino di cuarenta dia

Un flor di simiya

Sin sumpinja

Un flor di zinia.

Cecilia Everts  
Bonaire

TALENTO  
ANTILLANO

# PAGINA SOCIAL

## CORSOW

Ultimamente durante di e programa Luz, Camara y Musica, Cònsul de Segunda, Doctora Mireya Torres Castillo, a ricibi un plaquette for di man di senjorita Mavis Albertina, animadora di e show mencioná. E plaquette, cual a worde trahá door di sr. F. Isenia, a worde entregá na nomber di Hubentud '70, como gradicimentu-pa tur locual srta. Torres a hacé pa hubentud di Corsow. Srta. Torres a worde nombrá por ascenso como Segundo Secretario na Embajada di Venezuela na Grecia na cual país e ta bai desempeña doble funcion diplomática y Consular. Doctor Escobar Salom, Canciller di Republica di Venezuela, tabata profesor di Doctora Torres Castillo durante tres anja na Instituto de Venezuela den e asignaturanan di Morfología y Dinámica del Estado Moderno e Historia de las Ideas Políticas.



Riba e foto aki ariba nos por aprecia Sra. Laurita Broekman, activa gerente di Ferry's del Caribe na Corsow, flanqueá pa capitán Alfonso Morales y promé oficial Thomas Hernandez di Ferry Almirante Luis Brion, cual manera ta conoci ta viaja di Corsow pa Muaco (Coro) v.v. y di Corsow via Aruba pa Punto Fijo v.v. Ta innecesario menciona cu e ferru aki ta transporta pasajero cu o sin auto como tambe truck cu carga.

**CONTESTACIONAN NA  
TEST BO MEMORIA**

**DEPORTE**

1. Brasil
2. Cassius Clay
3. Dos
4. Pluma
5. Eddy Merck

**BIBLIA**

1. Su cabei
2. David
3. Un sunchi
4. Diez
5. Roca (barranca)

**GENERAL**

1. Londres
2. Jirafa
3. Venus
4. Giocano Puccini
5. Mario Moreno

**MATEMATICA**

1. 50 geel, 75 berde, 100 preto
2. 69
3. 10
4. 9

**CINE Y ACTOR**

1. b
2. g
3. a
4. e
5. h
6. c
7. i
8. j
9. d
10. f

**En FERRY  
HACIA  
VENEZUELA..**

**Desde**

- \* **ARUBA,**
  - \* **BONAIRE y**
  - \* **CURACAO,**
- visite  
Falcón y  
conozca  
toda  
Venezuela**



**ARUBA, telf.: 1553**

**BONAIRE, telf.: 8218**

**CURACAO, telf.: 37.900**

# ARVEFA

ARUBAANSE VERFFABRIEK N.V.

A  
R  
V  
E  
F  
A



A  
R  
U  
B  
A

- COMOTEX super vinyl-latex verf voor binnen en buiten
- COMOTIN super vinyl-latex verf uitsluitend voor binnen
- COMOLUX synthetische enamel van top kwaliteit voor binnen
- COMOLINE half synthetische enamel voor binnen en buiten

COMOTEX

COMOTIN

COMOLINE

COMOLUX



haci bo compras na

**MANSUR**  
department store

e almacén pa henter famia

HENDRIKSTRAAT 8 — ORANJESTAD — TEL.: 1050

OBTENIBLE PRONTO . . . . .



A  
R  
U  
B  
A

Distribuidor para:

- LAS ANTILLAS HOLANDESAS
- VENEZUELA
- SURINAM



**ARUBA TRADING COMPANY**



● No. **1** DEN CALIDAD

● No. **1** DEN SABOR

DEN TUR SENTIDO No.

● No. **1** RIBA MERCADO



**MANSUR**

**trading  
company**